

沈邱縣志

十至十二

DS

793

H528537

1946

v. 4

沈邱縣志卷之十

鄉賢列傳

語曰雖無老成人尙有典型夫士居嘗自許
曰古之人古之人比考其素履亦猶然鄉黨之
耳盍若歸而求諸鄉之先生長者卽得其一言
一行猶足以風示來茲故覩奮義討賊則思忠
感取賊祭父則思孝覽品評月旦則思鑒之精
觀掃除天下則思志之卓韓昌黎所稱鄉先生
沒有可祭於社者必在斯人矣詎非鄉人士之
所仰止哉次爲傳

鄉賢

漢汝郁字淑異宛邱人仕爲魯相以德化民流民歸者三千戶

戴馮字次仲平輿人也習京氏易年十六郡舉明經徵試博士拜郎中遷侍中兼領虎賁中郎將正旦朝賀百僚畢集帝令群臣能說經者更相難詰義有不通輒奪其席以益通馮遂重坐五十餘席
故京師語曰解經不窮載侍中卒於官詔賜東園梓器錢二十萬

陳蕃字仲舉平輿人也年十五嘗閑處一室而庭

宇蕪穢父友同郡薛勒謂之曰孺子何不洒掃以
待賓客蕃曰大丈夫處世當掃除天下安事一室
乎勒知有清世之志甚奇之郡舉孝廉除郎中遭
母憂去官太尉李固表為議郎遷樂安太守有清
勳累遷尚書僕射延熹八年為太尉李膺等以黨
事下獄蕃上疏極諫桓帝諱其言切託以辟召非
人策免之永康元年十一月崩竇太后臨朝以蕃為太
傅錄尚書事與大將軍竇武同心盡力徵用名賢
共叅政事天下之士莫不延頸相望大平後與武
謀誅嬖倖事泄遇害

許劭字子將平與人少峻名節好人倫多所賞識
與從兄靖俱有重名好共覈論鄉黨人物每月輒
更其品題故汝南俗有月旦評焉曹操嘗造求爲
已目鄙其爲人不對操脅之不得已曰君治世之
能臣亂世之奸雄也操喜而去初爲郡功曹府中
聞子將爲吏莫不改操飭行司空楊彪辟舉方正
敦樸徵皆不就或勸之仕曰方今小人道長王室
離亂吾欲避地淮南以全老幼乃南到廣陵刺史
陶謙禮之甚厚劭告謙曰徒曰陶恭祖外慕虛名

非真王待吾雖厚

薄送之

事濬父老遮留不可亦肖像祀之歷武選武庫
曹侃侃持正不避權貴轉山西按察司副使有總
兵郭虎失符驗委之千戶以塞責獄成公疑之白
之當道曰總兵例應親代郭虎不候代而以勅印
付千戶新帥至封筦如故罪不應坐千戶而坐虎
一時衆心允服風猷益振課最轉上黨飭部伍精
器械謹斥堠廣儲蓄以剪除強悍培植善類爲先
奉命閱邊馳驅數千里指畫扼塞條陳機宜著九
邊圖說以進上大悅賜璽書褒嘉焉再丁外艱服
闋補雲中兵憲以互市功再蒙欽賞轉浙江廉憲

持法益堅甫期月轉本省右轄清理戎政尋晉左轄歷任未久中丞張以減餉失士卒心衆鼓噪擁中丞郊外碎其首藩臬皆引避去公挺身當前開陳利害宥其脇從衆始帖然以同事引罪調福建左轄時沿海有倭警戶口播遷公悉心經畫請旨丈田嚴勵諸司按籍招撫民困以甦以疾歸當事屢檄徵之再補滇轄值緬酋爲亂兵燹之際經費不貲沐帥以勲戚包攬乾沒爲地大害公清察本鎮無糧地畝勒令出租不增賦而用足上其嘉之戊子監臨鄉試得士朱思明等四十五名復以

公歸因致政焉公廉潔性成不設城府自筮仕迄
置成橐中圖書外無長物居鄉循循恭謹遇大事
一言立決非其義毫髮不敢干以私癸巳歷癸卯
比歲不登公舉廩餘周恤里人至今誦之王寅以
覃恩晉正二品公沒後值黃河潰決大興工役沈
以屢荒不能趨事民病之會公門生朱公思明者
爲管河使進沈邱夫役訊公衆以逝告因泣訴以
邑中凋殘之狀朱公念沈爲公枌榆所在遂憐而
免其役沈人曰劉公旣沒仍受其賜有如斯夫崇
禎甲戌題准祀鄉賢

孫守巳由歲薦任滕縣主簿分署戚城時值屯田民貧慨出私囊遍給牛種民倚賴之甫一載以母九旬致仕終養家居濟人睦族有范文正公風時有橫逆加之者公閉門弗與較時人呼爲孫佛其後裔悉補弟子員長子依教好爲導引謝絕塵囂仲子依訓恬淡自守足跡不涉公門先後令尹因贈人今道古士林真品二匾旌其門迄今鄉黨無不思其忠厚足勵近時之漓風云

盧璋字粹夫號東泉魯藩長史元愷公之子福建臬司盧璘之兄也居鄉謙恭淳厚好義樂施鄉里

中有貧不能養不能葬者皆周濟之凡俊秀子
無讀書之資者設立義學延師教訓之從父之
雲南父以俸金三百授之持歸途遇建石橋
缺費遂以百金捐旋里值克歲盡以所携施濟
有竹廠店房庄地三處當與弟盧瑞均分者
其弟幼盡數讓給時里人有盧氏三讓產之說以
贈例授光祿寺丞嘗自額其室曰閒觀世態縣
咸重其品行

盧紹恩字嗣忠號從吾元愷公次孫生而穎異有
大志以明經授休寧丞陞辭之日具疏自陳曰貢

士自作秀才時不曾俛首污稱今日作丞其何以對上官乎舉朝胥嘉之曰正直如君知君不負丞矣上果允其所請傳布直省凡正途佐二俱與正印官同禮一時耳目一新蒞任多異政終養回籍著有一得稿四書醒言勸世編行條鞭議築河堤說行於世

盧文鴻號冲元稟質剛方爲學精敏萬歷癸巳選貢授洛川令改調吳堡政績告成恭膺褒封萬歷丙辰陞劍川州刺史以終養致仕回沈大飢仗義賑卹全活者衆擬祀鄉賢

李如桂號冲虛天資淳厚篤學不倦孝友性成嘗
書百忍歌爲座右銘萬歷壬子歲薦任上蔡司訓
日與弟子員講學課莩陞山西代州學正享年八
十閭邑推重

張斗寅號星宇幼穎悟傳聞強記堅白自守萬歷
辛丑歲薦歷江南太和訓導浙江新城教諭汝寧
教授歸隱不干世事有古君子風

張接武字肖甫號雲程性英敏氣骨稜稜萬歷丁
酉選貢任四川榮縣令山僻斗邑政繁民猾公蒞
任精明渾厚以除害興利爲己在勸農課士剔蠹

除耗諸善政騰民口碑拮据三載以丁憂回籍優游林下十餘載至今鄉人想慕丰采云

李如霖字媚澤號蕃英天啟辛酉舉人崇禎二年署山西忻州學正州庠科第聯綿至辛酉後發跡無人公蒞任分立文社親加剪拂四方知名者負笈踵至癸酉中式兩人悉公賞鑑之士四載兩膺正薦崇禎七年陞陝西城固令彼時流寇猖狂城固素有池濠時久未濬遂成棄田有力者侵占凡半邑令屢次議鑿輒阻於權貴公到任見有城無池卽簡閱志書載有池濠舊額濶四丈五尺力請

之當道䟽通恢復如舊涯以湑水又將城垣加高
五尺計費二千餘金悉公多方設處三月報成士
民始有固志值老獬獬小紅郎一條龍等賊突至
攻圍數月無瑕而去節鉞李公直指傅公楊公趙
公姚公姜公等前後交章薦之崇禎十一年流賊
合營入犯漢中總制洪公檄公防昇仙口距五十
餘日斬賊級百七十顆奪回男婦五十二口驟馬
三十三匹當道以奇功具題加服俸二級歷任五
載列薦剡者七獎勵者五後因宦僕通賊公力捕
殺之遂被中傷回籍閉門謝客不親俗務每聚子

若孫闡繹經史考較文苑教以忠孝謙恭之義縣學嘉其賢請就鄉飲正席固辭不出至再勉從迄今旣沒都人士猶仰之爲麟鳳山斗云

李孕嘉字孚公號元會生而侗儻至性過人事嫡母以孝著由拔貢任江南潛山令甫兩月賊張獻忠犯境身冒矢石援寡被執罵不絕口遂遇害從死者十一人崇禎十五年贈太僕寺卿賜祭塋崇祀鄉賢

詳見忠烈傳內

楊訓號佩弦淹貫群書知名當世以崇禎癸酉歲薦任彰德府學訓導爲人持重寡言咲足跡不入

公府不履市廛與其兄謨閉門却掃相爲師友
暑講誦不輟嘗教授生徒因才造就四方負笈者
踵至戊戌進士劉祖向辛卯舉人孫馥咸出其門
兄謨以恩選任合肥丞有惠政

國朝李煥字澹菴生而器宇凝重少嗜學卽知聖賢
所當慕尙每聞忠孝語輒不禁起舞明末張獻忠
陷潛山煥父孕嘉慷慨殉難煥以諸生匍匐叩

闕疏三上卒得賜贈太僕少卿經兵火之後家
業蕭條奉事寡母先意承志及喪塋一遵家禮毫
無遺憾嘗語子弟曰良家所事惟耕與讀耳專耕

則俗專讀則窘乃嚴立課程躬親教訓仲弟鼎玉
卯辰聯捷授監察御史長子開第登丙辰進士擢
吏部主政仲子登第中已酉舉人科第綿綿不絕
煥以明經歷任睢鄧陝三學陞國子監學正在任
有作人遺澤晚居林下敦宗族樂施予好義彌篤
鄉黨仰慕著有讀騷樓詩稿李子語錄行於世康
熙四十六年合邑公舉撫院汪
題請奉

崇祀鄉賢

李鼎玉字水樵學正煥之弟也

山撫樞還家艱苦備嘗奮志讀書入承母訓出聆
兄誨連掇巍科成名進士以中書陞監察御史居
諫院時矢公矢慎凡有關於國計民生者無不痛
切言之置身家於度外出爲山東濟南府提刑一
塵不染至今有李青天之稱旣而厭棄繁華慨然
旋里有買到母族王姓田六百畝膏腴沃壤悉取
其券焚之給與原主里人咸服其義鼎玉曰吾非
施義乃仰體母志耳其於伯兄煥年逾古稀猶朝
夕省視不輟季弟佩玉功名身家皆一力完全蓋
其孝友之性夙成也婦母施氏苦節六十餘年衣

服飲食備極豐美以成其德分雖猶子情同親生
嘗慨然曰不得爲良相猶願爲良醫因而留心岐
黃全活不可勝計著有傷寒痘疹諸書繕刻成集
康熙四十六年合邑公舉撫院汪
題請奉

旨崇祀鄉賢

劉璞字石友號爾琢明鄉賢方伯公漢儒曾孫天
資高亮學行純粹貢於成均不樂仕進少孤足不
履市閉門謝客圖書數卷而已事姑母以孝聞母
病晝夜伏榻衣不解帶者百餘日願以身代

病重已難其幼弟成立心力俱殫當前明之季流
氛猖獗所在摧陷城邑百姓塗炭璞椎牛享土口
夕守陴城賴以全邑人至今德之性好施予每靡
底及二麥前輒發粟減價賤售遇貧乏者與之不
取其直亦不問其姓氏歲以爲常家門義塾延名
師督課里中子弟咸令就學所成就不可數計精
於醫理有求診視者無論雨雪必詣其家貧者卽
裹藥與之所著有醫學集要六卷行於世歿之日
遠近莫不哀感康熙五十一年合邑公舉撫院
鹿批准有孝於親友於弟仁厚可風國爲重家

爲輕義旗莫敵真有武釋文憲之畧亦具博施濟衆之能之評論者以爲洵無愧云是年
題請奉

旨崇祀鄉賢

孫猷字仙巖明鄉賢守己曾孫生而岐嶷天授五六歲卽動合禮法蒙師口授數百言入耳成誦如夙熟然且孝友性成事二親無不先意承志知親之所期望于己者遠大遂奮志讀書精研經義百家子史靡不編覽爲文闡濂徂之秘滔滔如萬斛泉順治己亥登甲榜詔人曰吾成進士無足喜唯

可慰吾親深足喜耳當就選累徵不出因自明其
意曰爲五斗粟千山萬水奉垂白之親跋涉艱險
何如菽水承歡之爲樂乎且人有旣仕而後求終
養而不得者吾寧事吾親而已富貴非所望也生
平好義樂施無論親疎凡有急難無不罄囊資助
其父嘗于荒疫時濟人棺木後凡遇棺木不辦者
必出以才賻之一以繼父志一以濟貧乏也至于
族中幼弱無依一體收養衣食教訓婚娶備極周
至人悉感思已無德色當明季盜賊竊發時孤城
危如累卵與同志諸公散貲招募協力共守城之

保全醖亦與有力焉獨惜學成不試未獲大展其
才于康熙六年丁未告終閭邑士夫景仰德輝久
而不忘五十一年合辭公舉 無院鹿

題請奉

旨崇祀鄉賢

忠烈

元察罕帖木兒沈邱人時至正壬辰劉福通等兵起汝潁江淮諸郡皆殘破朝廷徵兵致討卒無成功察罕帖木兒與羅山李思齊同奮義起兵邑中子弟從者數百人破賊事聞詔以察罕帖木兒爲汝寧府達魯花赤李思齊知府事丁酉劉福通旣以韓林兒稱朱帝遣其將李武崔德破商州攻武關直起長安分掠同華諸州三輔震恐行臺得書大喜遂提輕兵五千與思齊倍道往援遇賊轉戰殺獲無數餘黨皆潰散朝廷論功以察罕帖木兒爲

陝西行省左丞李思齊爲四川左丞比劉福通破汴梁以韓林兒居之察罕帖木兒乃大發秦晉諸路並進期會汴梁城下首奪其外城環城而壘累誘賊出戰以計敗之賊懼不敢復出戰察罕帖木兒謀知城中計窮食盡乃督諸將分門而攻至夜將士鼓勇登城斬門而入劉福通以其主走安豐定聞詔以察罕帖木兒爲河南平章兼同知行樞密院西臺中丞察罕帖木兒既定河南乃以兵分

陝西陝西判襄河洛而屯兵大行營壘旌旗相望訓

導心將劉福通谷謀大舉以復山東謀知山東

盜自相攻殺而田豐亦降於賊乃大會諸將刻期
分兵五道水陸並進而國寶欲騎渡孟津踰覃懷
而東復剋州東門進其子顯郭木兒直擣東平
以田豐據山東久軍民服之乃爲書詔之豐及王
士誠皆降遂復東平濟寧時敵兵皆聚濟南察罕
帖木兒乃分奇兵間道出敵復南略泰安逼益都
北徇濟陽章邱中徇瀕海郡邑自將大軍進逼濟
南攻圍三月乃下之初山東俱平獨益孤城不下
察罕移兵圍之大治攻具田豐以察罕推誠待之
乃復與王士誠陰謀誘察罕至豐營刺殺察罕叛

入城先是有白氣如索起尾宿貫太微垣太史奏
山東當大水帝曰不然山東當失一良將卽馳詔
察罕勿輕舉未至而已及難事聞元主喟然嘆曰
察罕死天下無人矣詔贈河南行省左丞相封穎
川王益忠襄命其子擴廓帖木兒爲平章政事兼
知山東河南行樞密院事代總其兵

晏璧曰當元氏之季位顯官享厚祿者何限而
摠忠效義乃出於草澤之人如察罕誠偉然傑
立丈夫也李思齊雖同起義兵而末變臣節有
愧察罕多矣

魏縣帖木兒察罕帖木兒之甥也養以爲子既領
兵討賊誓必復讐而賊守城益固乃穴地通道以
入援其城執賊首陳誅頭等二百餘人獻闕下而
取田豐王士誠之心以祭其父餘黨皆就誅遂遣
兵取莒州山東悉平及明太祖伐元數以書詔擴
廓持節不屈乃西遁去論曰自古世祿之臣勢利
熏炙使其平日因循顧望之心生而臨事忠義敢
爲之氣阻一遇變故多怯少奮卒無成功至於勘
定禍亂乃在於匹夫之一奮激者何也蓋天理之
在人心無所固蔽故於事變之至其忠義自明死

生自決此功之所以能成也世之武臣何不講之
於素思圖報稱乃惟身家是顧而反匹夫之不若
哉

門孫連郡庠廩生流賊亂諸父指揮孫紹武守縣城
連聞變來助之與紹武皆戰死

牛漢河北二里民闖賊劉六劉七犯城與本學訓
導王良輔父子固守南門賊勢猖獗攻城危急漢
率矢中賊首一人潰部司因賊患其子中軍潰亂
群言攻賊北門人心起動賊遂走人南門執縛良
輔父子殺之漢連馬不已遂斷屍四分其死尤苦

邨落稍安無何賊勢愈猖獗卒以衆寡不敵爲賊
所乘繼東尤奮臂爭先身當矢石賊衆咸驚惧之
并心赴力以攻遂遇害後人追憶當時尤有嘆惜
泣下者

康熙五年四月初三日奉主入鄉賢祠
正六年建忠義祠又附入忠義祠奉祀

茲不吝
五六羊數求義陳天酬人出義師奉
 我必欲
五羊四八
 文致
三日奉主人
 害
人
 人
人
 當
人
 報
人
 失
人
 百
人
 翼
人
 前
人

孝友

元邵敬祖宛邱人父歿廬墓及母歿海喪不娶
於城西敬祖露宿其側友人憫其有兩慈為其
舍庇之前後居廬六年兩臂俱成濕病至治三
旌其家

明童琪由歲薦任廣平經歷治事有法陞宿州判
錢糧明所居鄉以孝聞母歿每朔望拜謁坐哭
泣盡哀廬墓終身之慕里閭聞之莫不咨嗟慕
善珣沈門里人天性溫和操行貞介事繼母孝
曲盡孝道享年八十五歲遇例加壽官異母兄

二人雖自置產業盡爲分析且顧瞻終身居
入城市不見官府縣學虛賓位數次敦請之
其隣寡恤貧不能收舉鄉黨皆以善稱之

普敦化沈四里人資穎過人孝友出於天性

一涉目即不忘年十八遊貴序邑令雅敬

取應試而化父陡抱重疾醫治多方未效

我有繼母庶母俱幼各生有子女父若不

常聚首恐不可得也乃矢誠書牒焚禱於

願以身代而父病竟弗起此日夜拊膺志

者六七日親女勸諭弗聽

聞已聞者莫不其憐道子之志長未及三

及退步妻吳氏苦節無言
穆隆年六十一歲河北三
清村方奉養山意承歡侍
如燕燕讓未嘗有一字建
訟閭里重之

張敬事父母亟敦敬愛及
以貧病養終不出於兄克
諸恭順有古人風

楊雄大父楊過春父楊敬
盡愛敬畧無少怠于其兄
有六弟爲友恭之情及其
子文學與孫並襲雄風迄
今五世長幼一心初

無間言昔雄作于前而倡於後

追範行無過舉孝本姓成母苦節鯁竭力事之左

右無方頌德旣懋於終始興情自孚於內外

劉天長女倖墮坎母董氏守節啟甫十歲哀痛成

禮奉母訓無所違此邊中母論以當取科甲以榮

其親啟曰科甲當取綱常尤重事母竭力凡溫清

定省無不由一母病不解帶者數月誓以身代

歆結廬墓埵

三兔馴側

皆謂劉孝子所教

其節節然其氣然本間也莫不悲之

記有言曰毀不滅性而廬墓非孝卽爲匪中顧
親喪謂何百元莫順悲迷之際縱毀瘠豈自知
耶其就爲病毀身軀宜其哀思之極而不自覺
也若曰孝而過焉非中也卽非孝也則孰肯自
殘其軀而無附於骸手歟是者紛如矣

崔可旺大善里人素行良潔事親極孝執父喪盡
哀盡禮廬墓三季孝達於鄉鄰縣李宏烈旌其善
聞之上堂崇獎之自是邑內行孝善兼全愛敬
於家庭忠誠於官場無不感慕咸服久暫一致

里例何此三國聖人德化郡氏生子母于

早逝繼配劉氏生柯及棖棖亦早逝棖子受而受
棖子幼而孤柯竭力奉親生養死葬克盡人子之
禮憐二侄貧孤撫摩鞠育視猶己子皆得成立人
咸以孝友稱焉

明劉養聖邑增廣生員爲方伯思魯公次子姿性醇
懿喜愠不形於色博通群籍有才名兄養淳病故
遺一子甫一歲時弟養元亦幼聖撫之逾已出及
成長析居擇田園之豐者予弟姪而以畱者自予
幼有至性事母夫人申氏先意承志庶幾孺慕之
誠年雖耆艾母氏九襄無恙人以爲大孝所格云

至推誠待人化及頑梗故終其身無以非禮加之
者聞人有急必周之不責償亦不嫌其數待僕隸
亦以禮享年七十二歲卒之日闔邑巷哭如喪良
朋說者謂有春者罷杵童子不歌謠之遺焉孫璞
積學多不以拔貢待聘能裕其後

張垂紳邑增廣生幼而孤每逢祭掃北面哭泣有
終身之慕事母昏定晨省曲盡子道以孝聞兄早
逝視姪猶子撫育成人崇禎十年大荒人皆草食
垂紳女親族待以舉火者百有餘家且貧死者

崇禎十四年正月

十五年十月流寇三犯沈城同總理等防禦嚴守
又密率義勇襲殺老獬營長子奪其騾馬輜重賊
遁去城池保全官民安堵

國朝劉瑤字石渠號雪水光澤公祖向長子也方就
傳口授孝經卽能成誦稍長溫清定省如素嫻侍
親疾不飯不敢飯不寢不敢寢也弱冠補弟子員
父祖向以進士授福建光澤令緣剛正忤逆藩遭
其讒遂罹重譴瑤痛父被誣數往來豫聞艱苦萬
狀家業蕩盡始得奉父歸爾時諸弟亦漸成立兄
弟友愛內外無間及父歿服除每念父潔清自守

遭讒被誣冤抑莫伸嘗隱痛焉家貧教授生徒暇輒博覽羣書兼通術藝康熙壬午由歲貢登賢書考授中書留都會

仁皇帝聖體違和舉朝憂懼大司寇勵廷儀荐其術藝召試之不藥而愈數

召見奏對之餘泣白父冤蒙

溫旨慰之

憲皇帝卽位復其父祖向官

賜勅命錦緞衣襲金千金璐歸里焚黃于父廟語家人曰我一生隱痛今日方釋矣璐淡于仕進時與族人講

教睦之誼其貧者資以衣食婚嫁之費且惠及遠
黨尚里頌仁人焉年八十有五疾革之日遠近莫
不泣下云

張崑星字石水品誼純粹制行端方生平讀書著
寔學不事浮華髫年列名膠庠克遵父教人無間
言親病湯藥必手奉歷數十晝夜無倦色及卒哀
毀骨立喪葬悉如禮制古云無忝所生庶克當之
家非大饒裕而好行其德族人張起玉窮無所歸
崑星慨然曰夫非同一祖者乎遂割已產百畝與
之張起業貧不能娶出已財二十餘金爲之成室

生二子長

幟仲尋

俱以孝義建坊入祠雖事屬苛

捐寔功歸貽謀也孝義萃於一門邑內爲首出焉

張幟字漢樹賦性純良爲學不事章句惟以躬行

爲先補弟子員人皆重之及父崑星卒幟方弱壯

盡哀盡禮長事母程委曲承歡備竭孝養康熙十

六年母病危醫皆束手幟矢誠籲天願以身代母

病旋愈人謂孝感所致母含飴弄孫以上壽終

立瘦骨立每遇忌辰悲慟感動鄰里符弟尋

父子內外無間焉至撫宗族之遠孤寡姻族之

乏待以饒之寬恕更有人不可改者

張盛行邑多病死職旋相與室光屬難能跡其平生謙退忍人所不能忍讓人所不能讓疾言遽色未嘗形於外其學優養粹可想見矣雍正四年六月卒享年七十越一載閭學公舉縣令劉謙詳請督撫田具題奉

旨建坊旌表送主入祠

張尋字愚夫前傳張懺之胞弟也父歿時甫六歲性篤孺慕事母以色養及與兄同補博士弟子員自相師友恭順莫比凡慎終追遠應事接物一如其兄家庭之內其樂雍雍也經史之餘兼精岐黃

爲人診治不避寒暑施捨藥餌不取謝儀又捐義
塚地二十五畝凡邑中貧不聊生死不能塋者輒
施粟施銀施棺以周其急至 閔帝廟五公祠廣
惠堂皆大工亦各捐數十金助勦公事故與其兄
皆以好義見稱於時雍正十三年卒享年七十六
閔學公舉諸令齊賢王令郁文相繼詳請 督撫
王 具題奉

旨建坊旌表人祠後以兄弟孝義同建石坊永垂孝友

焉

劉勞字慕慈孝事二親生養死塋盡哀盡禮父母

歿後幼弟勤尙在襁褓加意撫恤教訓婚娶皆
任之鄉黨以孝稱撫憲雅給以無間人言區
復建彰善坊以表揚之

王雲翼字徙南天性孝友行誼潔清胞叔王蔭曾
將經分地八十畝出賣於翼父爲業價銀二百二
十兩翼父歿誨家貧翼將原地復歸誨不取其值
鄉里避之撫憲雅給以儒林矜式匾額並列彰
善坊以旌表之

王文學品行端方奉公守分居鄉忠厚謙和足跡
不履公庭現年九十一歲一堂五世子孫繁衍鄉

黨素所推重

辛曷每逢糧食價昂時發穀平糶曾于乾隆元年春月賑卹鄉隣貧民口糧五十二石

程文則子簡修天資純粹學問淵博文章行誼皆第一而孝友之性尤篤二人之前視無形聽無聲生養死葬曲遁禮節兄萬里弟萬秋友愛無間言四方重其品從學甚衆歲得束儀五六十金聽兄贊弗四也祖產有肥田五頃餘後復置瘠地六頃墾有子五人則一子秋二子則念兄子多卽以祖產歸兄自與秋各取瘠地三頃然猶慮兄子之薄

也謂兄曰手必兩也而後能持足必兩也而後能
行吾一子孤願取姪爲伴兄以一子一女畀焉子
爲教之早年入庠女爲嫁之不時存恤蓋由從學
衆館金多故不至窘促云則在本族年最高分最
早有名翰九者少則十歲翰弟翼九少翰五歲翼
弟翔九少翼五歲皆則族叔也從則學頗能師其
意翰祖宅一處樓一所羣房全又新宅一處無樓
房亦全但草舍耳翰以祖宅與翔以新宅與翼獨
取空基一段自創立焉翼翔感兄德各出資相助
歡愛敬讓非則有以化之不至此乾隆元年各郡

縣舉孝廉邑人欲舉則則拒之曰窮達命也命果亨當不困於科甲今不能由科第出身而借人力爲階梯吾恥之事遂不行竟以歲貢終然里人重之視科甲有餘榮焉歿年七十有三子隱雷雍正乙卯科拔貢

唐大年字介眉天資純厚寡言笑喜讀書年十六入庠以謙自持對人溫潤和平如處女狀事親必誠必敬嘗書內則於座右奉爲矩矱且能愛友兩弟得親歡心及長博學強記淹貫經史尤精子易著有周易講義課門下士諄諄不倦行步坐臥必

年家居念父思鄉生平孝友爲邑人推重常恐不克肖其父同邑賈某有地數百畝廉售於珙後見賈姓家貧子幼給還原業鄉人至今猶慕義焉

李登第字曲江號勿齋少事父以孝聞於鄉康熙己酉獲雋在寶豐縣教諭寶豐山邑也兵燹之後入鮮向學自公至士習一振戊午鄉試調赴山東分校春秋房卷受知者如汪文漪于克承輩聯鑣飛去皆爲當代名臣後陞歸德府教授丁艱起補彰德內擢國子監助教歷官四十載引年告歸父曰煥著有讀騷樓詩文李子語錄登第悉以餘俸

刊行宗族婚葬有貧乏者賙之常教子克尙實行
以得爲戒歿年八十有三長子曉膺歲薦以子梁
園貴贈文林郎大寧縣知縣六子晶成進士任政
和令孫資深靜深梁園皆舉孝廉園初任大寧縣
調新津縣人咸以爲仁厚廉靜所致云

劉璲字蒼佩本縣庠生性純孝志端方父母之前
溫清之儀問視之節所不待言而先意承志尤人
情所難能者兄璠爲父祖謀所鍾愛早亡嫡無後
妾生一子天申父母令養以延璠嗣他兄弟皆弗
任璲獨毅然撫之妾無乳幸其子與璲長子年相

年家居念父日麗生平孝友爲邑人推重常恐不克肖其父同邑賈某有地數百畝廉售於珙後見賈姓家貧子幼給還原業鄉人至今猶慕義焉

李登第字曲江號勿齋少事父以孝聞於鄉康熙己酉獲雋任寶豐縣教諭寶豐山邑也兵燹之後人鮮向學日公至士習一振戊午鄉試山左春秋乏員應聘分房受知者如汪文漪于克承輩聯鑣飛去皆爲當代名臣後陞歸德府教授丁艱起補彰德內擢國子監助教歷官四十載引年告歸父曰煥著有讀騷樓詩文李子語錄登第悉以餘俸

刊行宗族婚葬有貧乏者調之常教子克尙實行
以得爲戒歿年八十有三長子曉膺歲薦以子梁
園貴贈文林郎大寧縣知縣六子鼎成進士任政
和令孫資深靜深梁園皆舉孝廉園初任大寧縣
調新津縣人咸以爲仁厚廉靜所致云

劉璲字蒼佩本縣庠生性純孝志端方父母之前
溫清之儀問視之節所不待言而先意承志尤人
情所難能者兄璠爲父祖謀所鍾愛早亡無後時
璲生一子父母欲養以延璠嗣他兄弟皆不然璲
獨毅然存之婢無子幸其子與璲長子相肖遂

衍遂並乳之後皆成人父祖謀資性忠實懦弱族
人有覬覦其產者生端爭鬪璫慨然以已所自冒
田才頃畀之及與諸弟析居田產多寡不較寧甘
淡泊父母歿設像于室朝夕拜薦事之如生康熙
四十二年歲歉借鄰里粟八十餘石不求償又精
岐黃術人無論貧富時無論寒暑醫其疾並施之
藥數年之間計施藥餌資近二百金四方稱爲盛
德君子云

趙偉字碩菴生而穎異弱冠入庠年十七值母患
瘡醫藥罔效偉呼天涕泣日以口吸去其毒逾月

得痊後父卧疾忽思魴魚時天旱水涸偉拜禱畢
應網而獲魴魚二尾有隣人李起雲者因貧苦自
縊偉聞往救助銀五兩起雲賴以活生晚年援例
貢入太學痛父早逝與弟健友愛益篤里人稱之
卒年五十有八聞者無不惻然

孫依訓字敬言明鄉賢守已公仲子也髫齡爲邑
諸生天性孝友事親色養滿至父任山東滕縣少
尹歲必往省渡黃河遭風訓跪禱舟中風濤頓息
同舟賴以脫險及父解任回籍適患病訓藥必親
嘗解必手除母患瘡痢嘗糞吸濃不避汚穢父正

日庭前有黃楊樹一本父沒樹亦隨枯訓痛父手
澤朝夕扶樹號哭樹竟復生家非大殷實而好施
樂施族人孫璽家貧不能娶訓出貲十餘金爲之
娶妻且授以房園養贍之值邑大荒人皆啼饑號
寒訓不惜已財施雜糧三百餘石綿襖一百餘件
全活窮民不可數計邑侯雅重之兩旌其門一曰
士林真品一曰人今道古及卒近者泣弔柩前四
方聞者無不太息云

劉玕字石洲光澤公祖向仲子也天姿英異至性
純篤髫齡爲邑諸生遇光澤公以觸逆藩去官羈

留于閩珩與伯兄璐季弟珩奔走豫閩間艱苦萬狀卒奉光澤公以歸爾時家業凋盡寸土不遺珩與兄弟竭力經營事二親色養備至家雖貧甘旨無缺也及光澤公歿鄭孺人亦棄世遺二弱弟尙冲幼珩與兄璐弟珩保愛扶持各爲授室成家且分所置田產以與之胞伯祖述失業無所養家口嗷嗷珩嘆曰吾伯老矣而諸兄又庸懦無以自立此珩之責也夫因出自置產地四頃六十畝以給之虛立文約不收價值嘗從族兄鄉賢公璞學醫三年精于岐黃之術聞人有患病者輒自往診視

不待請托不避寒暑或貧不能藥者必出藥餌醫治之雖所費不貲弗惜也邑中賴以全活者甚多卒年七十有六邑人景仰盛德至今猶稱頌不衰云

劉中柱字靜瀾鄉賢公諱璞之仲子也聰明穎異經書一誦輒解尤酷嗜曲禮內則諸篇用以滌治其躬父念長子申早逝不忍以章句勞之甫弱冠由例貢授歸德府寧陵縣教諭設帳時卽書明發不昧有懷二人之句於座右教諸生諄諄以孝友相勗風俗爲之不變任九年思親不置遂告終養

回籍適值母曾氏患背疽症在垂危柱晝夜不寢
極力奉侍每夕焚香泣禱願借壽一紀以祈母生
後果獲天佑無虞享年七十四以壽終兄申弟中
岱不壽孀嫂閤姊妹汪皆無出柱待之無不周全
擇賢立繼建坊旌表悉柱力也性好施隣里貧者
有求必應不責其償歲歉必減價糶穀人咸德之
每歲秋成必輸穀數十石貯社倉以備賑濟建立
廣惠堂捐銀三十兩施義塚地二十餘畝其餘公
私修葺捐助者不可勝紀乾隆三年 邑侯王慕
其賢徵爲鄉飲大賓五年又然其盛德大節蓋卓

卓在人耳目云

唐橋字干誠髫齡入庠以忠厚聞於鄉因母久病
潛心岐黃親侍湯藥十餘年終始無倦凡親族有
疾求診視者風雨必往生平好施嘗于郊外見白
骨泣下先後施義地十畝有邑人崔文學者少雙
臂橋憐之給宅基一段又建橋于縣西阮家窪秋
澇水漲行人咸利賴焉雍正年間公舉孝友鄉人
推橋爲首橋固辭乾隆六年縣令王郁文以善
人詳請上憲表揚之

程楷字仲礎前傳儒次男也質厚而魯五六歲

時授孝經十數過方記一二語又不卽解父慮其
鈍乃先就家庭中事理之淺近者令體行之而後
証以聖賢語日久方漸悟及弱冠以家貧艱於供
給雖腹不飽體不煖事親未嘗少懈誦讀未嘗中
輟年三十始遊泮一日偶被人誣愬父責之甚嚴
措唯柔聲下氣不敢驟辯亦不深怨愬已者迨後
事白亦恬然處之若從前並無被愬事也措父顯
儒享年八十七歲母劉氏享年九十二歲措至六
十餘歲時事父晨昏無惰容七十歲時事母朝夕
猶稱慕至于胞兄弟皆高壽數十年間友愛如一

極並無雨具及達楊氏家鞋襪盡失知父少愈遂
輾然以喜如行坦途而至然年至四十餘遭母下
氏病極憂勞鬚髮忽盡白或有以孝譽之者極慨
然不樂曰虞帝之事親元公之事君不過於子臣之
分盡其當然而止極豈敢以孝稱乎父母故後因
口衆兄弟異爨同產友愛篤至並不以門戶差置
累其弟一日堂兄以家務待理極因語言拂意中
夜被其叱逐人方以爲不平極乃隔宿送驛又伯
父故後葬無吉地或唆以勢葬于極地者極固之
即往言於堂弟曰伯父吾父同胞吾則如伯父之

文儒

朱舒元沈邱人少儻好學通左氏穀梁二傳辨僎
強記治郡日或奏其不親獄訟事多冤滯不結朱
太祖面詰問之凡所詰元必具誦欵向指迷曲直
太祖甚嘉嘆之子知白至作坊使知雄補殿直知
崇安撫副使知白子明遠因對自陳任大理寺丞
賜進士第至太常博士

余夙仰中原爲文獻之傳而今考志乘見程邵
謝尹諸賢皆以道學相傳續爲一脉載考列傳
而見沈自戴憑以下多以明經起家舒能通左

穀辯疑義足紹漢代明經之後以開有宋理學之源與程邵諸哲爲有光矣

武將

唐趙犇宛邱人資警健善騎射仕爲忠武軍都虞侯黃巢亂陳人請授爲刺史犇乃培城䟽塹實倉庫峙藁薪爲守計未幾巢將孟楷寇項犇擒斬之僖宗嘉其功拜檢校司空巢聞楷死乃悉軍攻之犇引銳士大小數百戰勝殄相當後汴軍至陳人思奮犇引兵急擊破圍凡三百日而解累進檢校司徒加彰義軍節度使卒贈太尉

趙昶字大東犇之弟神采軒異而內沉厚有
黃巢圍陳昶夜寢若有神相之者比旦決戰
首數人斬千餘級犇領泰寧節度以昶爲州刺史
及犇老昶授留後遷忠武節度使亦留陳進檢校
司徒勸農桑於人有恩惠加同中書門下平章
卒贈太尉

趙翊字有節犇之子雄毅喜書善騎射黃巢圍城
翊激厲麾下約死戰以先家適賊畏見殘毀乃
縋堽士取柩以入庫有巨弩机牙壞不能張翊
意調治激發至五百步人馬皆洞賊畏不敢逼

勞授檢校尚書右僕射昶卒珣知忠武留后光化
中封天水郡公位至右金吾上將軍卒贈侍中

五代符彥卿字冠侯宛邱人善騎射唐莊宗以其謹

厚令出入卧內晉天福間爲河陽三城節度使遼

人南侵詔彥卿率所部軍拒戰澶淵契丹騎兵數

百圍高行周於鐵邱諸將莫敢當其鋒彥卿獨引

數百騎擊之遼人遁去行周得免歷漢周封魏王

宋初加太師彥卿爲將有謀善戰頗能下士

賞賜悉分給士卒故人樂爲之用周世宗嘗

謂人皆其女也

仁市縣志

卷之十一

鄉賢志

四

后妃

宋符氏宛邱人魏王彥卿女周顯德中歸太宗
日太宗爲晉王封趙國夫人開寶八年薨
後又太宗卽位追封爲皇后

戚里

漢陰慶漢光武以陰后懿親封爲桐陽侯
貞節

劉氏務本里民錢虎妻虎早逝氏確持閨度
三十餘年鄉鄰咸以貞淑歸之

王氏務本里趙騰妻年二十五歲騰故有子

公舉請旌

楊氏生員李燧妻燧抱才早逝氏年十九歲子闢
基甫三齡氏願以身殉其公姑謂之曰上有老親
下有弱子託孤與死孰難引決自全非孝也氏恐
死守節事翁姑以孝聞教子義方有陶母之風孀
節四十餘年閭邑稱之子闢基博學宏詞科名可
待見食庠餼

盧氏增廣生員劉祖祐妻生員盧中清女祐淹雅
有異才賁志早歿氏年二十歲以翁在堂恐死守
志有子曰璞曰瑛氏上供甘旨下課熊丸輿情共

推璞有文名應恩選瑛亦負英姿弱冠早卒其婦
張氏栢舟自誓與其姑同茹冰蘖有一門雙節之
風

李氏生員劉祖裕妻生員李維世女裕卒氏年十
九歲子女俱無甘心苦節與孀嫂盧同心撫孤愛
逾已出守節三十餘年士論多之

崔氏富有里民劉守易妻易故遺庶出子光國甫
二歲家無擔石氏紡績度日撫養幼孤苦節三十
餘年閭邑惜之

師氏廩生劉祖敬妻年十九適劉越三年而夫故

天年二十一歲遺孤珙方數月氏勵志守節五十餘年撫孤成人登成均候選布政司理問

石氏童生劉璠妻項縣閭清公石璧女年二十適璠越四年而璠亡守節五十二年壽七十五終

董氏故民于應泰妻氏年二十八應泰病歿無子遺母蔣氏年老家貧氏矢志守節紡績易粟以養姑數十年如一日也蔣年九十久病臥床氏奉藥供饌洗臭送穢晝夜匪懈毫無怨意雍正五年蔣壽百有十歲以天年終十一年閭學公舉縣令劉諫詳請督撫王具題十二年奉

旨建坊旌表入祠

閻氏邑民柳小妻小家貧佃種族叔敬祥之地祥子柳六年少無知潛欲犯之氏喊罵而堅拒焉六年去氏憤極卽自縊殞命雍正十二年督撫王

吳題奉

旨建坊旌表入祠

解氏故民海化龍妻化龍早卒遺子獻琳氏守節撫孤五十六年而歿獻琳援例入監力陳母節雍正十二年縣令諸齊賢詳請督撫王具題奉

旨建坊旌表入祠

閻氏故廩生劉申妻申以苦學致疾早卒氏矢志
守節冰霜凜然衣服動履必遵禮法事公姑處叔
姪孝敬和睦終身無間年六十擇堂姪光第爲嗣
光第入庠力陳母節縣令王郁文詳請撫院富
具題尋奉雍正十三年九月

恩詔建坊旌表人祠

吳氏故民韓秉彝妻秉彝早卒遺子德音氏守節
撫孤冰霜矢志三十餘年而歿德音入庠力陳母
節縣令王郁文詳請撫院尹具題尋奉雍正十

三年九月

恩詔建坊旌表入祠

王氏故監生劉中岱妻岱爲鄉賢拔貢劉璞第三子氏爲鄉賢武昌府同知王養晦孫女也聰明穎異姆訓夙嫻年十七適劉事公姑惟謹雖酷暑嚴寒無惰容事夫子以道有過正顏泣諫不少阿越數年公姑歿岱亦病故而氏甫二十九歲遺子芳八歲竭力撫養以延夫嗣謂子在卽夫在也及芳十二又以痘殤氏泣哭不食欲以死殉家人苦勸方止由是樂善好施凡有貧乏者罔不周恤遇災阨必拯救曾捐入廣惠堂地一頃以平餘畝皆無

王給以壺善慶長區額守節逾三十年繼姪孫雲
鵬力陳祖母節縣令王郁文詳請督撫院尹具
題尋奉雍正十三年九月

恩詔建坊旌表

李氏廩生趙儀妻年十七適儀僅五載而儀故氏
念姑老無後守節事姑克盡孝道取堂姪越邑爲
嗣育訓有方迨姑壽終子成立計其冰蘖自矢已
四十二年矣嗣子越邑援例八監力陳母節縣令
馮奕宿詳請撫臺碩具題乾隆十年奉

恩詔建坊旌表

艾氏增廣生員唐汝霖妻年十八適霖越八年霖
患時症病故氏年二十六歲遺二子長校方四歲
次楫方一歲氏痛夫故號哭終日欲以死殉時惟
姑在堂泣諭之曰唐氏一脉止此二子汝死誰爲
撫氏勉從姑命矢志靡他親井舅以事霜姑弗間
寒暑勤紡績以育幼嗣備歷艱辛及姑卒以婦代
子喪葬悉如禮制二子亦恪遵母訓讀書入庠氏
卒年六十八歲守節四十二年

楊氏故童生董澤妻遺腹子廩生董桂舉報節孝
學憲張給匾曰貞心耀日

韓氏故民王楷妻閭學公舉節孝學院張
給匾褒獎

李氏故童生唐朝稷妻閭學公舉節孝

張氏故生員張蘊妻閭學公舉節孝

朱氏故童生郭允華妻閭學公舉節孝

劉氏故民王可訓妻也氏于二十一歲適訓閱四
載而訓病亡子璧方週歲公姑俱在氏竭力奉養
送終始終不懈教子成名身列賢宮守節三十六
年乾隆三年閭學公舉節孝學院張給勁節矯然
匾額旌獎之

李氏童生劉璘妻拔貢生李辰女年七歲童養于
劉十九成婚越八年而璘故遺子勸方二歲氏守
節五十五年卒年八十二歲子遵母訓讀書入庠
鄭氏故民旻應祥妻又張氏應祥子榮妻閤學公
舉姑媳雙節邑令劉公謙給匾褒獎

張氏故童生程獻珍妻又張氏獻珍子都妻因廣
惠堂捐助邑令諸公齊賢查明姑媳雙節詳請督
撫王 給匾褒獎

蔣氏故民劉士瑞妻閤學公舉節烈邑令王公郁
文給匾褒獎衆爲立碑

楊氏故童生王召六妻閻氏公舉節孝學院張給匾褒獎

朱氏故生員普壘妻壘故氏甫二十歲矢志守節三十餘年閤學公舉節孝學院潘給苦節堪風匾額以褒獎之

王氏監生劉世聞妻項邑廩生王允中室女年十七適聞越八年而聞故遺子方七歲氏哭泣不食願以身殉祖與翁諭以孝親撫孤爲重氏遵命勵志守節孝敬祖翁撫養孤兒旣以婦代子復以母兼師子紹曾現年三十六歲援例入監孫廣嗣年

十五業儒應試氏守節三十年康熙辛丑藩憲年
查知節孝旌以霜嚴筠勁匾額雍正甲寅捐助廣
惠堂銀地縣令諸旌以淑質仁心匾額

蕭氏槐店故民王德敬妻德敬早卒遺腹子浩氏
矢志守節養親撫孤數十年如一日縣令王公郁
文查明詳請撫院雅 褒以孝慈全節匾額

竇氏故童生劉體仁妻夫故守節三十五年子肇
沛入庠閭鄉公舉署知縣李公綸查明詳請撫院
雅 給匾褒獎

趙氏故童生王輔弼妻氏年十八適王甫一載輔

劉病故氏守節四十餘年凜如冰霜閭學公舉
臺林 褒以苦志完貞匾額

遲氏邑民夏乾若妻乾若早卒氏年二十生于九
成甫一週矢志冰操奉事舅姑三十年無怠容送
公姑終竭誠盡禮里人公舉縣令王公郁文詳請
撫臺雅褒以巾幗完人匾額

王氏邑民鈕其堯妻其堯歿氏年三十無子矢志
守節奉事舅姑以孝聞守節三十五年以壽終
劉氏邑民龐應儉妻儉病故氏年三十矢志守節
撫孤成立人咸稱之

李氏故處士劉謀妻國子監助教李登第女謀卒
氏年二十五家貧微骨又乏子嗣拊棺哀泣以死
自夫翁姑防守嚴密多方勸諭因勉爲曲從紡績
自給守節四十七年閭學公舉學憲張 褒以固
窮完操匾額

王氏故增廣生劉劭妻年十七適劉越十二年而
劭故氏矢志守節於翁姑生事如葬循禮於諸子
育撫教訓有方堅苦三十餘年長子成昶選拔衆
子蘭亭雨亭鴻淦松亭俱力學入庠乾隆二年
月閭學公舉學憲張給以黃鵠矢貞匾額

氏沈氏巨族也適庠生唐文運甫三歲去母
適二十三歲甘心同死自縊者再賴姑嫂覺之
計防閑始得不死後繼長門次子之憂爲嗣年方
四歲氏嘆曰事上撫下未亡人之責也於是茹血
飲泣毀容塗面其奉舅姑也必勤必敬其教幼子
也以慈以嚴嗣子甫弱冠卽遊泮水氏苦節四十
三年至六十五歲告終謂非女中之錚錚歟
胡氏項城廩生胡玫女適生員李暎年二十六歲
夫卒栢舟自矢孝事孀姑以婦代子迨姑沒每遇
忌日必祭必齋哭泣之哀聞者莫不流涕繼姪

得爲嗣教以義方一得恪遵母訓弱冠入庠言
行矩屢欲具呈表揚母節氏輒止曰從一而終婦
道之常何足炫奇至氏年七十有二闔邑紳士公
舉節孝有一醺至性堅鐵石百年正氣傲鬚眉之
語氏洵無愧焉

張氏生員張堦室女年十九適處士楊道遠及夫
卒氏年二十有四子輅華尙未彌月氏上事舅姑
養生送死兩無所憾下撫幼子教以義方且賦性
貞靜言笑不苟每歸寧日夕則返其冰操終身

一曰鄉黨賢之氏年六十闔邑紳士公舉節孝

王氏生員楊道宏之妻項城生員王允恭第九女
道宏年二十歲病卒氏年二十三歲欲自縊徇夫
家人防護數月後念親老栢舟自矢事舅姑昏定
晨省閨中稱爲孝婦焉今氏年五十五歲守節三
十三年

劉氏童生普重燕妻內閣中書劉璐室女氏年二
十一歲適燕至二十八歲燕病故無子時公姑皆
在堂燕故後三月方生遺腹子天樂上而公姑之
奉侍送終皆氏支持下而幼子之成立遊泮皆氏
訓誨迄今二十有七年矣承先啟後不使亡者啗

恨于地下厥功懋焉宜垂志乘以勵後人

程氏童生劉光藜妻蔡八歲卽去父無親伯叔兄弟伶仃一身與母唐形影相弔且多病年十八病篤母唐望子心切信俗喜冲之說因迎程過門時程一十七歲閱六月而蔡亡是氏雖婚而實未婚也是時門無三尺之童家無擔石之資氏不以貧故勵志守節以婦媳對孀姑兩心相憐以室女稱婆婦孤情獨往飲冰茹蘗紡績供奉二十二載無間然氏年今三十有八取從堂姪鵠升爲嗣則節之有終可知是不必蓋棺而後始定者也

韓氏故民歲思祖妻也氏于十九歲而于歸至二十
三歲而夫歿時有遺孤方二齡姑亦歿上有祖
母及翁皆待氏奉養氏竭力侍奉孝養十五載氏
年三十九祖母及翁同年去世氏一力殯葬子前
諸長成訓誨婚娶今已有孫三人計苦節于今四
十有二年邑令馮 褒以操同松柏匾額

程氏王建德妻邑故增生程楷次女也年二十適
王僅二載生子未週歲而建德病歿矢志以死勺
水不入口者五日家人共勸之曰汝死則遺孤不
能獨生血食絕矣氏悟乃恩勤育子子韓盧年十

九將婚娶忽以疫夭卽尋自盡者數次以家人防閑之密又其姑日泣諭以老朽無依氏于是事姑之餘輒坐臥一斗室中卽親兄弟叔侄亦罕見其面唯日夜籲天願生死視諸其姑而已

李氏童生張鏡妻鏡幼有痼疾僻極困憊氏于歸時年十九及鏡歿而氏則二十九歲矣長子念克克方九歲次子潛愛方五歲上而公姑在堂氏甘心守節公姑爲之奉養送終兩子爲之訓誨婚娶于今二十有三年

石氏童生劉堯芬妻芬自幼有痼疾婚娶晚氏二

十五歲時方適劉閱三載而芬歿遺孤從先方二
週氏上事舅姑毫無失禮下撫遺孤今已成立氏
年六十有六守節共三十九年子從先今爲國學
生

樊氏務本里民樊瑞之女年九歲同媒劉功王之
會聘于王端運爲妻氏于雍正元年年二十一歲
過門二十二歲夫卽歿時下無子女上有公姑氏
竭力奉養姑于乾隆二年病故公于乾隆七年病
故氏爲之送終八年取姪驟兒過房爲嗣迄今守
節二十有九年邑令馮 褒以勵志堅貞匾額

王氏童生張存智妻氏年十九適存智能執婦道
越二載而智歿家貧無子止一女氏甘心守節以
婦道而兼子道奉侍公姑終其身

錢氏庠生王鑑和妻年二十七而寡孤孀奉親苦
節自守迄今五十餘年

盧氏年十六嫁於張珙之長子四漢甫生一子四
漢卽生瘋症氏日夜隄防一旦踈虞四漢走出不
知去向時氏年一十九上事翁姑下撫弱子備歷
勤苦不幸其子復夭氏痛哭欲自盡或勸之曰翁

姑尙存當善事之以待夫回氏乃取次門子爲嗣
於翁姑生養死葬克盡厥禮今四漢杳無音信氏
年已七十三矣閭邑欽之

劉氏童生王溶妻年二十八而寡善事孀姑氏無
子取長門子爲嗣翁壻葬之以禮子亦名列黌序
猶織紡自給甘貧守節四十餘年

王氏王恩妻年十六歸恩於康熙四十二年恩病
故氏年十九無子其舅會圖憐其年少欲令改嫁
氏念鰥翁老而無子矢志孝養歷盡辛苦四十餘
年

唐氏故童生普堂之妻氏年十九歲于歸夫家結
縭三載堂病故止生一女氏亟欲身殉翁姑苦勸
乃止至雍正十三年縣公王 贈以冰操樂善旌
其門今已守節四十餘載現年六十五歲

李氏故庠生普鵬翼之妻氏自二十歲于歸夫家
甫二載鵬翼病故婦娶姑寡甘以栢舟自矢孝事
孀姑極盡婦道今已五十歲守節二十八年人咸
稱爲節孝兩全

孟氏沈四里四甲民徐梅妻年十八歸梅生一子
兒慈甫二週梅病故氏年二十二歲因姑老子幼

李氏女名合兒子玉之女壯於中合兒年十四歲
子玉於田途遇同里人武鑑欲污之合兒不從遂
投河死

董氏永安里民楊從吉妻從吉隨父任病故孫在
方二十歲二男尙在懷抱聞夫故卽號泣誓與俱
亡撫棺欲投河以不獲遂絕食七日死遠近聞之
無不哀慕後蒙本縣學申呈按院顏批云余聞
節多矣能有棄子殉夫如是烈烈者哉中主得妻
人綱常行可振矣該縣擬先送匾旌揚仍候題

因賜旌云誓與夫亡終遂厥志貞烈獨抱泉石同
幽督學陳又旌云固夫病故矢志俱亡志委可嘉
理宜旌揚邑令陳學博杜俱有詩匾贈之以表其
烈鄉人謂氏之死風節凜凜真可炳天日贊金匱
者柰卒未獲題請建坊惜哉生有二子俱成立義
庠孫亦入黌序餽廩有聲

時氏永安里生員程一正妻年十六歲夫有疾
進湯藥及夫歿痛哭泣血七日飲食絕口及旬
逾半月與夫同逝

烈女姚長姐年十六歲受姜國才聘尙未娶
病

故長姐聞訃音給父姚九臯同母往男遂繼死
縣郭守畿申請奉旨給九臯坊銀三十兩建坊
表院道移文奠其墓

王氏年三十歲邑民王試之女汝陽生員李之義
避亂沈城芝染瘟疫氏躬侍湯藥經旬寢食俱
及病篤氏以死許夫向夫盟曰脫有不諱吾
汝地下芝尋逝入殮之後哭奠盡哀將所遺
日用之物付芝胞弟李之芮隨拜辭其母曰見
母別永不復侍慈顏矣辭甚哀遂易孝服從
繼其母泣之氏意不少回三繼母三止之氏

後乘間一縊而斃庠師齊繼統嘉其節率耆老
往弔邑侯武公以扁表其門

劉氏河北二里張權妻年十九歲生子方五月
故氏誓死殉夫釋嬰兒自縊孀姑祖母解救勸
謂遺孤在抱女死失恃不使地下人隱憾耶

曲從撫孤朝夕涕泣至三年服闋兒亦可離
遂封筦笥物留以貽兒輒縊死於夫柩之側
柴熱掄旌其門曰女中清聖學道旌其門曰貞

孫氏河北三里民孫繩元女年十六歲

之璽爲妻適璽甫兩月伯瑩以疾暴卒氏

吾其以身殉乎公姑以其幼未必能引決防稍踈
遂歿縊死是夜知縣李芳春夢判官承符印鬼使
持杖前導親至縊所見一婦面色如生次日遂有
氏死節一事因極力申請奉

自建坊墓表

國朝劉氏鄉民劉廷儀之女許配王珂之子王彰爲妻
結褵之後彰患廢疾數年不起又貧甚不能娶氏
卽以死自決欲從夫侍湯水白之父父不允又泣
白伯父岐山方能回父志以歸夫家殷勤服事未
數月彰亡三日祭畢從容自縊此康熙五十三年

九月初二日事也縣主朱以烈比秋霜旌其門
孫氏故童生馬天培妻天培死卽自縊以殉閤學
公舉節烈縣令給匾褒獎勒石墓前

武氏正姐務本里民武謨之女年十八字人未嫁
僱工楊順覬其色強欲犯之堅拒不從被殺殞命
縣令王郁文以事

聞奉

旨建坊旌表入祠

劉氏俊姐邑民劉玘之女賦性貞淑事父母以孝
稱年二十受項邑監生閆煥長子培璵之聘乾隆

十年培塿親迎未果遽以疾歿氏聞訃恐傷父母
意言動如常竟從容自縊以殉閭請其柩而合葬
焉閭邑紳士公舉孝烈署縣令何公源洙廉得其
寔褒以婉孌英烈匾額詳請旌表
士願爲良不願爲忠古有言之者矣若以婦人
女子之身十年乃字一旦藁砧見背或決絕於
一時或永貞於沒世謂非烈丈夫之所難能者
乎表而出之其亦紀栢舟而婉凱風之意歟

平夫而拙多其衣雖陋快而適隨風之意燠

一如如衣良也或母謂非然夫之視黻黼者

文子多矣十半衣字一旦藥而良背短矣雖然

士而爲夏不願衣也亦言衣皆矣昔以黻人

宴宴以黻變其然則黻者黻也

語則曰縣士公岸卒然晉糾令曰公惑我黻其

意言雖收常質其容自黻以黻則黻其黻而合黻

十三年與縣以朱果黻以黻黻丑聞信惡其父

亦愚卧病年餘穢汚逼人雖諸子亦有不肯近者
氏進湯藥滌穢垢晝常侍立榻前夜則蹲居屋隅
凡翁有呼無不卽應及翁病歿喪具無出又將地
盡賣以爲衣衾棺槨資是蓋生養死葬一己之產
有無弗計伯叔之費均否弗問也賢孝若茲永貞
可知豈必至蓋棺而後以節許之哉

朱氏本縣生員韓元善妻其姑閻氏卧病八年氏
晝夜奉事無間寒暑每夜焚香祝天祈減己壽以
益姑且謀諸夫願刊感應篇萬卷行世未幾姑果
愈越二載姑忽以痰症歿于康熙四十四年正月

二十七日之卯刻元善傷通過情至酉刻亦殞命
氏遭此大變喪葬無不如禮又以夫在日所許感
應篇未果刊行乃教其子積田園之所出除用度
外盡付剗剗成書滿萬卷乃焚其板于夫墓前曰
令死者知無未完事也其賢行多類此享年七十

五歲

計元善歿時已四十一年
誠賢而貞者也胡可沒諸

漢有孝女魯有義婦婦人女子懿行足多者不
獨殉節守貞已也蓋天經地義不習而利較貞
烈爲尤難則婦人女子孝行義舉固宜表而出
之與貞烈爭光哉

程松永安里人質朴無華誠篤罔飾身不
閭閻號爲長者屢請鄉賓止預一次

自沈有沈郢而沈之名益彰如廖如萬如畢其
風遺韻足可嘉尙是故若居谷處漱石枕流與
鹿爲友群以芰荷爲矜佩至今言之猶令人津津
然有餘美者豈皆沈氏之倫耶藉令浪迹湖山
以退爲退沈子有聞當必沂流而別釣矣

方伎

宛邱先生史逸其名居宛邱因以爲號服制命

得道至殷湯之末已千餘歲以其方授弟子姜
春服之亦三百歲視之如嬰兒狀彭祖師之受計
方三首

世有仙釋者竄入吾道之內朱子仲晦以儉
鄙之亦傳所稱脫屣諒非難之故乎顧儻然
外有惘然泥而不滓者參同法華之著頌
下視汶汶而庶幾有所契悟者與然非道之
也我

朝重儒教而不尚二氏之徒殆所謂修其本以勝

者矣

沅邱縣志卷之十一

叢紀志

災祥

寺觀

傳疑

蓋聞桐出爨下識者愛焉而西陽之雜俎青箱之雜記則皆以拾遺記異亦筌之奇而歷之參閏也乎夫理出於常事窮則變乃事有不必盡載辭有不必盡傳者外之外之而使之竟無載且傳又奚可故知災祥者天之異寺觀者教之異傳疑者傳聞之異事亦叢矣叢則烏乎紀之乎無紀又烏乎以枚於事而駢于辭埒之

災祥

宋天禧三年正月晦潁州沈邱民駱新田間震雷
之隕石三入地七尺許

嘉定十四年宋人掠沈邱殺縣令

明弘治十一年大有年

三年大水

四年大有年

七年大水

正德三年春旱秋蝗

八年流賊劉六劉七作亂

縣率其子莊戰敗

九年秋大水

十四年秋大水灌城東北圯

嘉靖二年夏水秋蝗

三年秋水

四年秋水

五年大有年

六年夏旱

七年大風拔木折屋

八年飛蝗

十七年夏大水饑

十八年春大饑

二十四年大有年

三十一年饑

三十二年夏秋河水汎溢者三

三十三年大有年

三十八年秋大水

三十九年雨雹大風折木損禾

四十二年冬無雪

四十三年夏旱冬無雪

四十四年七月內大雨田禾淹沒十月內大雨

四十五年大水河溢者三

隆慶元年春饑三月大雨泮麥二年熟

三年大雨河水泛溢者三民屋多壞縣城塌過
四年大有年

萬厯元年春雷不發聲撥鄉夫堵蔣家接河修
堤

二年秋大水

三年夏秋大水傷麥禾

八年大水饑人相食

九年大水饑

十二年大有年

十三年大有年

十四年旱 十五年旱

十六年春饑大疫斗麥二錢

十七年夏旱

十八年大有年春三月內黑風自北來撫院行文

祭疫厲

十九年大有年

二十年秋蟋蟀食禾

二十一年夏五月霖雨不止至八月二麥登而盡
絕秋無禾冬大饑郡盜四起知縣劉世光揚兵督
衆獲賊九十名賽旗肅廟事稍平

二十二年春大饑斗米二錢民採樹皮充食始設
粥廠二十處療饑四十七日朝廷遣官發內帑賑
之二月潁州瓦店盜王自簡馮玉舉等煽聚饑民
殺新蔡兵勇劫掠縣境流至劉湖集聲震城下知
縣劉世光守禦之請陳州兵備道遣百戶達於海
撫院撥遊擊兵各百名至縣隨於李逢橋獲馮玉
舉等九十九名並殺新蔡兵勇主六夥賊隨解地

方始寧路通如故五月復雨傷禾

三十三年夏五月大雨經旬城半傾

三十四年夏六月蝗食禾民大饑

三十五年夏秋俱大水麥穀踊貴

三十六年大有年

三十七年大有年

三十八年夏六月飛蝗食禾

三十九年夏五月蝗食禾

四十年夏五月蝗食禾

永昌元年大有年

歲次癸亥大有年
歲次甲子大有年

五年夏六月大雨如注
地浪高丈餘漁舟逆風
退坡半頃四鄉房屋
半知縣柴懋掄繪圖
六年流寇猖獗奉檄
設四門總理以幹
十年春大饑民鬻子女
啖草子樹皮人相食
十三年二月二十一日
未時黑風自西北起
蔽日天昏地暗白晝
秉燭直至西方息

一日辰時復然亦至酉息十一月寇至
營七日週圍數百里鄉庄村落農器生業盡
盡

十四年正月初二日賊犯沈四關知縣
理鄉官李如霖等生員劉養聖等堅壁
矢石傷賊頗多解圍而去三月十五日
突至四方攻圍知縣武傑率領總理紳
協力防禦發遊兵鄉勇千餘人城外堵
擊賊數十人賊大集東北角總理生員
率家丁李時芬安玉等用百子砲打傷
數賊

而遁

是年十二月二十三日流賊格料雁右髻王在潁
州老鵲巷北營發精兵數千騎夜深直抵東門駕
雲梯偷城被外巡劉光乾知覺喊叫城上銃號齊
鳴知縣武傑率東門總理劉養壘發夜巡遊兵縋
城各執礮攻打奪獲雲梯其後營見謀不遂舉
火焚關而去是年大荒斗粟錢千五百文民食樹
皮草子多饑死

十五年夏六月大雨連綿不止七八月俱大雨十
月初三日流寇老獬獬左髻王格料雁一斗穀等

由固始新蔡而來如風雨驟至城外百里之內寨
鎮村落殺掠一空房屋柴草農器燒燬無餘圍困
郊閭縱火焚劫大舉攻城知縣武傑率四門總理
坐卧城頭用砲弩矢石竭力堵禦計二十晝夜賊
頭中鉛而死未敢入城濠之內又密遣親丁鄉勇
襲殺獨營長子奪騾馬三匹賊拔營去所保全者
坡池官民而地方殘壞不忍言矣
是年當大比因闖曹困省城白春歷冬黃河之南
五百里五府各屬上下公移未通歲考科舉俱停
文武兩榜俱罷

國朝順治三年大有年

五年秋雨傷禾

十年穀價踴貴

十三年七八九月旱

十五年五月大雨如注經數旬不止傷麥八月二

十二日復大雨至九月二十六日始晴河水泛溢

平地深丈許秋禾一粒無存廬舍漂歿殆盡人多

溺死牛畜饑餓死倖存者以瘟災倒斃民盡懸未

十七年六月大水

康熙元年五月大水八月潁水溢冬饑

二年正月民始種麥七月旱蝗

六年五月雪七月蝗

九年十二月雷

十三年春民間訛傳逆吳北犯一時嫁娶殆盡

十四年四月霜大水城圯

十七年三月霜五月大水七月寒冬饑斗粟錢二

百

二十年五月水十二月雷

二十七年至三十二年連歲旱蝗

三十五年七月水

三十六年七月大雨雹大如柞小如鷄子城內屋瓦皆碎

四十二年潁水溢

四十五年潁水溢

四十八年四月大雨麥盡傷潁水溢六月復大雨秋禾盡沒七月潁水溢冬大饑至次年春民食樹

皮草根多餓死

四十九年大有年

五十三年六月水

五十九年四月十八大雨雹小如棗大如栗深三

寸麥盡傷

雍正五年五月水

八年六月水十月麥心生螟虫至九年春愈甚麥
幾死三月中忽生黑軟虫身多刺一過螟卽沒俗
呼爲麥大夫是歲麥減大半

十二年八月旱十月民始種麥

乾隆元年夏水秋旱冬饑

四年六月七月大水冬饑

五年四月蝗

七年六月大雨損水溢冬大饑鬻妻女者不計

數民多死

九年大有年

十年春旱麥減半粟秫損惟菽獨盛

夫同一太白入井也漢以興而秦社則屋同一
白魚入舟也周用熒而殷道寢微故知梓慎之
術匪踈而修弭之道貴勝是以卿雲甘露吾不
以爲禎木怪草妖吾不以爲異惟遇變則書以
觀成召亦春秋紀災不紀瑞之意乎

膳茹百衣春煠縣災不縣縣之意平

以爲蘇木到草秋吾不以爲異卦獸變以書以

淋瀝如而也時之進貴烈其以帳雲甘蠶吾不

白魚人長也風以熱而氣氣氣氣氣氣氣氣氣

失同一太白人非也萬以興而泰拆以星同一

十半春早麥熟半果林計計蘇蘇蘇

代半大官半

爆兒姿孩

寺觀

劉世光曰二氏之教古今儒者嘗欲去之而卒不能去夫豈陷溺旣久雖賢者亦不能自免也哉爲今之計寺觀不必毀也因其地而籍爲社學俾爲我用久之將不便於其居矣豈非君子以人治人之道乎又習儀多於寺觀邱文莊氏已嘗非之而祈禱必以僧道厲祭必以僧道何以禁民之作道場作佛事哉今謂祈雨初當陳詞哀懇其朝暮行香每次令諸生歌雲漢之章以見志固已仁至而義盡矣又何必假彼不潔

之人褻神如兒戲哉

宛邱寺在城內東北隅

閔帝廟在城內宛邱寺西邊

香臺寺在縣南小河岸

觀音寺在毛家營黃河北岸

勞福寺在鞠家集北

大悲寺在八里灣

草堂寺在鞠家集南

東嶽廟在南關北道大街

真武廟在老門外

玉皇廟在南關東

火星廟在南關東

關王廟在西關外北首

洪山廟在縣西五里熊家塚河邊

太微觀在毛家營南

玄帝觀在鞠家集北

佑聖觀在槐坊店中街

龍王廟在縣南三里小河南岸

重修增壽寺

按舊志寺乃明鄉賢方伯劉公之墓
火院也止地十餘畝日久傾圮

五十年其四世姪孫內閣中書劉璐請於總憲
揆公捐銀六千六百兩于寺東買民宅地基門
面七間其地連舊基南至大路西至教場東大
路北至太山廟界惟東界不齊自山門至東角
門北社稷壇西界二層以東便門北至大殿東
過道門後牆以養濟院西爲界三層自過道後
牆至揆公祠後牆至官街爲界後層以任思朴
房爲界建大佛殿五間東西房各二間殿後陡
母閣三間閣東揆公祠三間西方丈三間閣前
東西客廳廳共六間殿前東迎藍殿三間西祖師
殿三間對面天王殿五間東西房各二間再外
山門三間殿東僧舍共一十四間買有香火田
三頃八十七畝五分四厘坐落戴
家埠口西名董家庄詳見碑記

準提庵

今按準提庵一名茶庵在街東亦劉氏香

廟三間南韋馱殿三間西門樓一間施茶廳二
間後大士閣三間東地藏王殿三間西泰山聖
母殿三間庵東地一段
連房基共一十四畝

地藏庵

在半坡店集南條前任范令買地共四十畝二厘七毛建立中大殿三間西人祖

毀三間後觀音閣三間閣東客廳三間西方丈

三間大殿前祖師殿三間其僧舍共一十二間

僧又自買地六十一畝五分五厘五毫共地一頃零

二畝五分八厘二毛雍正年間范貧來索價僧

人寂賢將原價付還范出

賣約前地亦為僧自置矣

天仙菴

在治內東北隅邱寺西門面瓦房三間南北樓六間群房八間明鄉賢孫守已之

孫庠生孫世隆曾于其內附置育嬰堂故為表出之

自老佛之說熾傳中國而梵宇珠宮輝映岱輿

君子慨之沈元微不甚習而宮觀之繁寢興寢

廢卽其人而盧其居易易也吾猶幸編列之

家室田作之區衆矣

寒室田卦之圖象矣

變伯其人而盡其母良良也吾能幸祿以之

吾子知之其示避不封昏而宮購之蔡蔡興

自朱謝之茲繼繼中圖而扶字其宮職州出與

即置育嬰堂姑為表出之

天山寺南非對六間持氣八間民喉寶齊寺日之

賣條前此衣為自置矣

人宋寶林恩贊林數苗出

二施正公八里二手藥五手間郭貧來索賈曾

三間大選前所補選三問其前舍共一十二問
選三問益購音間三問問東客飄三問西衣天
三問大選前所補選三問其前舍共一十二問
選三問益購音間三問問東客飄三問西衣天
三問大選前所補選三問其前舍共一十二問
選三問益購音間三問問東客飄三問西衣天

傳疑

沈邱據穎舊志爲沈子邱疑卽沈子郢邱墓沈舊志又云以沈諸梁邱墓在焉疑沈邱爲諸梁墓也第未考諸梁爲何縣人而郢則沈人也或子郢之說猶爲近是

醒城據舊志載漢光武被王朗追急至迷艇湖失路到此方醒因築城自衛遂名爲醒城此皆俗傳無考姑闕之

宜路店據舊志此店或曰迷路蓋因其地荒蔓行人多有迷之者故以迷路名或曰宜陸蓋因其地

從新安集以北爲大湖每歲秋水一望無際行者
多舟楫此方可舍舟登陸故以宜陸名二說俱無
所考然於理皆可從要之集名近譌於縣若不甚
干係第一細事尙譌如此其他吠形吠聲者又不
知其幾也故書之

攷潁州志註歐陽文忠公集古錄跋尾云張龍公
碑唐布衣趙耕撰云張君諱路斯潁上百社人也
隋初明經登第景隆中爲宣城令夫人閔州石氏
生九子公罷令歸每夕出自戌至丑歸常體冷且
濕石氏異而詢之公曰吾龍也蓼人鄭祥遠亦龍

關燭詞訟且延蔓爲盜賊者接踵視郡部條約紮束犯若啖蔗日醞月釀安保無他虞乎司郡者河間倪公誥念守土責重憂深慮遠乃疏請於巡撫都憲盱眙陳公道於擴圖中添設縣治沿故名曰沈邱且割潁州河北一十八里以屬庶道里遠近疆域濶狹爲宜而防鈴有措都憲公特請乃咨之藩臬重臣僉曰良舉卽馳奏之時議亦有不懷永圖者以爲勞擾難濟賴我明天子明見萬里洞燭遐幽乃奮乾斷特降玉音河南地方准添縣治命下日都憲公檄憲副濟南張公飛總部而倪守實

當提督之任爰相地形得州南五舍潁河之陰里
許豐衍端夷環枕河流故有巡檢司曰乳香臺民
舍商航亦頗輻集爲城東西三百六十步南北如
之街巷市廛分經條緯而縣治學宮及布按府官
署與夫合祀廟宇壇壝亦各審向背前後左右之
宜以成厥位費公帑若干緡功幾半縣尹李公琳
李公相輩相繼而至勤事服役左右惟謹經始於
弘治戊午落成於庚申八月巍然遂爲汴省大邑
李尹乃佯來請予爲記歲月予謂天下事欲濟大
緒不能惜小費欲圖久者不心苦暫勞况防惠當

於未然而無患本於有備知此庶可與義於治矣
茲舉也雖以守臣啟之於先大臣請之於後不賴
聖明獨斷亦何以能成是莫大之舉哉是故上下
相孚都俞交美佚道使民而勞不知苦財用適宜
而費不見惜乘久大之績奠靈長之業此成功之
故又足爲將來告者豈獨紀歲月云乎哉謹記

沈邱縣知縣題名記

劉世光

知縣淮
安人

稽制部院寺監藩臬各有題名而郡多缺邑尤缺
焉余自蒞沈以來始鳩工斷石稽文考獻用成其
事已乃題言於僚佐曰夫題名者題官氏之名也

題官氏之名於石者石不朽而官氏之名亦因之以不朽也石因名而顯名以石而傳固矣豈徒傳之已哉將使覲斯石者類有所槩於心也是故飲水茹葉暮夜却金是爲廉吏雖其人往矣而名刻於石覲斯石者有不敬且愛者乎厚生正德痼癘切身使功德潛被於民是爲循吏雖其人往矣而名刻於石覲斯石者有不感且思思之而不能忘者不然者不惟無裨於時而且厲及於民是爲墜爲酷吏雖其人往矣而名刻於石覲斯石者有怨且懼而相與鄙之排之者乎夫敬人之愛

沈邱縣增建甕城記

曹

亨

待郎新蔡人

天下之事有若緩而實急若微而闕繫實重者固衆人之所忽也邊圉疆場修築繕治人皆知之至若號爲內地實隱衝危則未必能知也城郭溝池金湯高深入皆知之至於閨闈崇曲護門便守又未必能知也苟非有實心在地方生民者孰能長慮却顧思患而預防之哉大梁居天下之中沈邑在大梁之南固所謂內地也方今聖皇御極詩書

禮樂之化洽於海宇矧於中州孰云足慮君子則
曰靜擾穰歉古今代有而黃池戾兵盛世或亦不
免焉沈邑東通彭城西接襄蔡實齊楚之衝途而
江淮之障塞也加以平原曠野一望數百里無山
谿之阻而青徐芒碭爲豪猾淵藪自昔多竊發之
虞故沈比他郡邑恒先有隱憂焉往正德辛未劉
賊之變邑嘗失守則以門無重城一鼓而蟻附焉
識者至今恨之易曰重門擊析以待暴客斯豈非
萬世之明訓哉嘉靖乙丑蒲坂懷松羅侯鳳翔來
尹是邑蒞事之明日行城周視見四門成無月城

而諸長老具聞往事則喟然歎曰是豈可
者乎時兵憲董公修理城池之檄造下諸屬於是
侯毅然以興築爲已任乃計垣門樓堞合用磚瓦
土木灰鋤諸費悉取辦於自理紙贖師匠胥靡高
畚植榦之徒悉給直僦之程督經畫舉無遺策未
踰月而四門之外巍然煥然居者行者出入瞻顧
罔不欣然相告以爲可恃鄉士夫童君琪普君濟
時張君明體包君世節謂侯保障之功實永世之
利不有以述之懼方來之莫考也貽書勸余爲記
以誌來裔俾無忘侯之功余雖不識侯而素謹

其善政今觀是舉賢益可徵若其費不出於公帑
勞不逮於百姓役不踰時月誠皆有可書者是役
也經始於三月初旬落成於四月初旬建創重城
高二丈有奇城設敵樓及門扉咸如制女牆凡一
丈有奇厥費磚八萬一千有奇石四十塊有奇板
木三十片有奇灰八千斤有奇錢一千斤有奇運
計厥直爲金百四兩有奇法得備書

修學義舉記

張四術

知縣

夫學舍之興廢豈不有時哉沈學崇建於斯永
公當其時規模宏遠氣象鉅麗何其盛也後來

善教可碑也城垣繕而窺伺潛消甕城修而形勢
倍增保障之功可碑也又碑者悲也維我公沈人
之命攸依我公去沈沈人之心孔悲故碑之也夫
我公能繫沈人之思可以謂賢沈人無忘我公之
德可以爲公上下之相與一誠也我公之太老先
生虹橋翁者以巍科爲江西之樂平令有惠政擢
饒別駕去之日民念其德肖厥像於祠書厥功於
石晨夕祝拜卽子子孫孫位至三公誠願之也我
公又復如是何循良之萃於一門歟百世之後譚
往昔傳循良者爲我公屈一指又爲翁屈一指其

慨慕歆艷之懷不殊今之譚龔黃卓魯也故曰公其千載而一時乎公諱存德字惟一別號育齋登隆慶辛未榜進士擢南京工部都水司主事世爲金陵人云

儒學題名碑記

劉世光

知縣淮安人

宛邱爲中州南界界在陳潁之際地僻而少腴永汎而多秀其脉發自朱仙山尹七口而分夾縣隅若環帶然又自三里灣而合下達潁泗通江淮分古有情靈淑所鍾其生人也深沉果毅謹愿右文歷代以來建德之士世世興起迨我朝建學立師

以風以教士之職成於詩書禮樂之教
昂相望爰自弘治戊午迄今萬歷壬辰鄉薦者凡
四人成進士者一人或持教鐸或領民社或司憲
記或典戎務或克長藩宣或弼輔王國率炳炳烺
烺中外有聲視昔益加焜耀謂非山川靈氣之所
鍾國家教成之所效詎易致此

不佞

每政暇數與

邑博士思梅葉君雲屏江君謀所振勵諸士日與
同事協恭同寅勵行檢而表率之諄諄申箴之外
而又慮夫鄉先達繇科目進者姓名弗彰無以勵
後思琢石刻之學宮使往者傳遠而不墜來者景

慕而知勸二博士遂請不佞記之以成厥志余惟

學校造士之地而題勸士之具也名之題弗題其
於前人固不足輕重然使後人之遊於斯而常目
在之觸於外而有感於中謂均若人也某也鄉舉
某也甲科某也立大功建大議有聲當時垂休後
世我何若是乎企勉之心油然而生殆不躡其芳
躡不止也由斯以談則題名之舉豈小補哉雖然
儒者之事又不特咕嚕漢書取捷於科目已也要
當與通乎天人矩接乎聖賢推而放之足爲邦家
之光卷而懷之尤不失爲身修家齊之士前人固

之自勉奮身於科刻名於石矣後人庸可
務此哉矧今歲在甲午遙選秀之際諸士子鼓篋
存泮者又皆躋躋踰踰足取科第於眉睫間芳名
之刻應接武今日其亦思所以自務使文與行兼
名與實符則庶乎不愧川澤靈氣之所鍾豈但有
光於沈而亦不孤國家敦養之深意寧不克副余
今日之望哉庸書此以勵碑之立紀前勸後所閔
也尙虛左方以俟來哲

沈邑侯劉公創立學田記

葉文熹

教諭浮
梁人

漢時吳公守河南治行天下第一及閱史乘不多

載其諸治狀而獨於成就人才一節光昭史冊爛然千古由斯以談學校蓋誠重哉國家右文圖治黌校星布宇內而培植至意懇懇如切諸生肄業學宮者則有餼廩有膳夫蓋高皇帝不欲青衿子弟以俯仰衣食分其念故優恤若斯之渥嗣後人文自盛庠彥充溢食餼之額例不得增而學士家罔以給者比比然也於是有學田之制此皆良有司因時起義體國家優恤至意而變通之者沈邑初自弘治年間儒學在城西南卽其時所拓基而並建者百凡草創舊無學田蒞茲土者悉傳其

官因仍相繼莫克創舉萬歷辛卯歲劉侯豐津來
令是邑甫下車卽慨然以興起斯文爲已任期望
進多士於庭講習禮容闡明經義每週會課捐俸
佐饌念諸生中有窘乏不自給者輒以積粟申請
歲支四十石以卹貧士旣而謀於予輩又謀於士
大夫曰諸學各有田租而是邑獨無寧非一大缺
典哉此非予有司之責而誰乃兼得沒官地共若
千畝以作學租并祭器書籍申請兩院及各道惟
時中丞吳公侍御周公僉曰賢哉劉尹知先務矣
又曰此留心於學政者悉命其請焉夫修祭器潔

明禋也辨書籍備緡閱也而學田之設舉累世所未有者一旦肇基周澤渥矣侯之用心曷其勤而加惠曷其遠昔范文正公置義田周族人聲施至今侯茲之舉惠徇學校且延之千百世不替厥功懋哉余忝學論欣逢盛典私與多士告曰興學育才牧民者人人言之然未若劉侯實心舉事確然建久遠之業者異日評隲河南治狀劉侯當與吳公媲美矣是宜勒之貞珉以志不朽且令後之君子聞風興起則劉侯創始之功居多哉侯治沈屬縣雖治風夜不罷請凡請鄉約勸農耋通溝洫

舊制清術獨善政種種未易更僕將大書以附野史何俟余贅侯諱世光字晦卿號豐津巳卯鄉進士直隸淮安山陽人

宗侯考賦惠民記

普濟時

通判邑人

今上御極之元祀命侯爲沈邱令甫下車卽毅然以興利除害爲已任稽滯案得丁圯武盤靈濟廟地四百頃有奇糧四百石有奇數載不稅侯愕然曰此國計也額在沈不蚤辨是病民也予誠不能一日坐視於茲矣遂廣詢博訪期得端委而力處之乃生員童原蘭劉棟輩語侯曰此陳奸民吳志

士所爲也沈自嘉靖乙巳歲奉例丈地均田魚營
坡雖舊有水草地已盡收入沈矣此外民罔遺田
官罔遺稅志士不諳丈地原由假以諫言大肆飛
詭將丁武靈濟廟田糧朦朧捏坐於沈此誠欺隱
一大弊也沈人苦額之徵求爲申達彼前司牧或
更代靡一或申達未勘遲或猶豫蔓延於茲侯曰
此正民瘼之大者辨之宜早辨焉蔓難圖也又訪
隣境西華治之南有靈濟廟環廟有田田畔有丁
北武盤子孫卽志飛詭前地坐落處也額辦在陳
侯曰有是哉陳有地而無糧沈有糧而無地田賦

不均豈細故哉遂集衆思酌已意指事陳義切中
肯綮上之撫臺及本府曹大夫本州洪大夫何二
守三公名刺史也協寅體國共求民瘼卽移檄臨
潁劉令尹鄆城王令尹二侯各賢令也遂秉公持
正會勘於侯率原具呈生員章原蘭劉棟里老張
依仁韓思敬輩反復辯論備巔末二侯默然感動
吳志士之奸謀乃破丁圯武盤等地糧復歸於陳
沈邑千百載之害除沈人感害除民安之恩徵余
文以誌不朽作而歎曰唐虞三代則壤成賦有田
卽有租也曰任土作貢是有租卽有田也今田在

陳而租在沈甚非古制但批允久下於監司徵牒
已坐於藩省了目前者不肯爲少才幹者不能爲
畏首尾者不敢爲侯以一身而直任之誠中土之
良牧國家之藎臣厥功懋矣傳有之曰太上立德
其次立功其次立言今侯立德以立功茲爲立言
以報功可謂存之不朽矣乃命工勒石紀事示弗
泯也行用勸也若夫侯也善政載諸士人之口碑
銘諸蒼生之赤臆以俟觀風者采焉

義塚記

劉世光

知縣淮
安人

有天下者主天下宰一邑者主一邑余旣宰茲邑

凡百姓之死而無歸者舍余其誰乃自縣城外計
十餘處以社倉息谷令鄉約長各買地一區以封
民之無歸者或曰今年歲荒歎暴骨盈野盜賊竊
發逃移之不生還者不知凡幾能盡封之乎劉子
解曰余所職豈直死者之無歸所務尤有重於死
者倘不能卹其生令流離失所而死徒封其骨以
微澤於亡人耻矣耻矣

沈邱縣宗侯修河記

劉漢儒

參政邑人

余不佞稽古以來役有出於動大衆而人罔以爲
勞事有可以奪天工而人目以爲神利有可以施

百世而人賴以爲養功有可以勒貞珉而人弗以爲誇者惟厥孚以發志時以通變虛以廣益公以格物焉耳沈剡建於弘治之戊午迄今八十載邑南爲閔閔南爲河河之流來西南去東南中抱閔河之中無論寒暑舳艫絡繹相望四方之物盡致之目前土產之良可達之千里沈富庶籍是河耳河之有神於沈豈淺鮮哉厥後河之南漸分一派然僅通流舟楫未之往來越數年始通舟楫然且十之一二也又越數年北河之舟楫僅十之一二而在南河者反十之八九矣時商旅不行貨財不

聚居積靡售民稱不便訴於上上之人是其訴卽
責成功是歲丁卯之三月蒲坂懷松羅公毅然行
之幾卒業比春夏交河漲水溢堤圯塹摧功用弗
成越數年之冬楚夷陵鳴吾宗侯來令沈甫稅穀
六府孔修百廢振舉邑士大夫耆老僉以河請侯
曰余始至遠以河役其誰與我越明年作鄂之春
侯往視河慨曰無河是無民也無民邑奚爲相與
徒步上下原度得其處侯曰此流可斷也乃涓吉
日爲文而告於河之神屬主簿鄭均典史趙均主
厥事省祭李養心董厥役徒以八百計日奔走焉

以百餘計以千餘計爭輸納焉懽呼雷動畚箕雲
集方其中流迅駛之衝深昧數仞土簣易流力罔
或施俟殫厥心思多方區畫駕舟樹椿運困實土
廣立基垣越數日溜河始截積久歸然有長虹之
狀茲非大役乎往舉是役者率多潰冒之患今爲
預備之周非惟祛衝突之害抑且有澄淤之利堤
之東淤一里堤之西淤半里沃壤聳護瞻之巖然
巖若增而益高基若拓而益廣蓋神靈之祐也茲
非奪造化之妙乎卽今塞支流之上派濬已淤之
故道通旣斷之舟航商賈至貨財聚沈之富庶可

復致矣故河在一世利在一世也河在萬世利在萬世也茲非無疆之利乎夫役大而人忘厥勞侯之孚之者至也積著而成功如神侯之措之者時也利溥而其益無方侯之量之者永也忘厥勞衷斯懌矣神厥事頌斯作矣勒石紀事何可已乎邑子弟員童生原蘭劉生棟蕭生中訓輩走書幣懇余言余曰衷懌匪激也情孚匪矯也頌作匪私也宗侯可碑矣是役也肇工於二月之二日竣事於四月之八日堤之下寬七丈許長十五丈許厥費約六白金云侯諱五經別號鳴吾湖廣夷陵人

新建社倉碑記

江濟邦

訓導
建人 福

昔周盛時縣鄙皆有委積以待凶穰至隋唐而社倉之制始備宋朱熹氏建倉於崇安而上記於府曰山谷細民無蓋藏之積新陳未接雖樂歲不免出倍稱之息貸食豪右自今以往請歲一歛散旣以紓民之急俾願貸者出息十二又可以抑僥倖廣諸畜不幸而小饑則施半息大饑則盡蠲之以活瘠寡塞禍亂大惠也乞著爲令嗣是而倣之者則金華有規清江有約無非近古之良法沈故無

社倉惟楓坊蓮池一二店集稍稍積谷九百五十

宣統元年歲戊子大旱民乏食己丑益旱甚民乞饑
倉庾之積甚不足以食窮餓之民辛卯春邑侯劉
公至始憂之乃自捐俸金數十金糴谷百石貯之
請於兩院疏文以勸倡僚友及諸縉紳諸義民等
計所各輸一千五百七十三石旌以扁額錫以冠
帶民無弗喜躍應維時積谷之處廣至十所在城
則計谷三百一十石八斗郭外諸集店則共計谷
一千五百六十九石俾至饑歲得谷就而食之不
令入城候春而貸至秋始償石息靳二斗視昔減
一令既布復上之轎車使者皆可其計令刊布以

傳歲壬辰始歛散如前約民無弗喜躍貸且償比竣則計本息已三千八十二石八斗邑侯又喜之曰是可以待饑歲長活饑民數萬矣乃出其息給諸博士弟子爲膏火資歲額四十石又出其息給諸社學蒙師代童子修脯歲額八石又出其息以建社倉社學縣則於廢司之廊宇槐坊於公館紙店於巡司毛家營鞠家集於官舖新安迷路劉虎東楊家諸店集皆各有所倉與學別爲一區而教養咸備旣又出其息爲義塚以瘞死亡而無塋埋者俾澤及枯骨悉著在令甲癸巳春谷價稍踴

貧復如前民益喜躍赴倉庾者肩摩擠塞數苦不
繼一時市價頓減五六貿易稍平不幸而五月大
雨至七八月不休河湖大溢四野盡魚蟹之鄉二
麥入口而不得食禾豆無收邑侯復憂之曰是倉
之歛其無望矣吾將何以療吾民乎始捐其息又
甚則并其本益寬之以待來歲乃出預備諸廩廩
常積者五千石且糶且賑且爲粥以食餓者又捐
俸百餘金以活百餘孤寡暨諸貧窘博士弟子暨
蒙師暨諸獲賊兵勇蓋受食者幾萬口長活者幾
數百諸輜車使者愈復可之而侯之陰德滿四境

矣旣而猶復憂之曰是可以活吾一歲之民矣然而歲有豐凶未可前料後之視今亦猶今之視昔脫後再艱食得無復有今日之憂哉夫吾二三年之間左提右挈下勸上請遂能爲鄉閭立此無窮之計而今所遭若此異口者脫墜而不續又將何以待吾去後之民哉邑博士江子解之曰夫政之興廢在人不得其人縱興亦廢得其人卽廢猶興後之君子踵侯之法繹而行之歲一少豐則今日稱貸之民孰非好義之民卽歛之亦易易而積之數載猶可以待異日之凶荒然則是倉之利奚止

一時其視而放之者亦將不止於一邑而已也侯
之隱德豈渺鮮哉文昌君奏上帝曰今諸申奏有
放無息者活及千人以子孫顯官報有數施死者
棺殮病者醫藥產者饘粥用心甚廣俱有作止以
子孫登第報又與列仙論曰今欲挽回太古之風
使真才實能之士復生於世者惟有社倉一事可
以拯救貧窘有能行之報應如嚮魯公有言曰愛
民者必有天報侯之謂哉用紀其本末撫其時勢
表其勞瘁以風代侯之後者

沈邱縣利役記

普仲節

知州邑人

劉景營波在治北六十里上通三孔橋下達白沙
河中間土坂夙號汗下不翅千畝矣秋夏積霑漫
然橫溢莫辨牛馬說者謂䟽渠引流庶水可洩而
民斯獲利第虞靡費寢焉者久歲壬辰西華大起
築堤夫索沈助役牧土者格於體面怵於成議發
丁壯四百應之所費不貲業已成厲階矣無何商
水築堤夫又援例下焉於戲沈民何不幸罹此極
也鄉民張瓚等白於庭曰沈當西商下流財賦僅
半之無名夫役繩繩不絕其奚以堪孰若修我縣
波流如劉景營等者以祛民患以乘永利不猶喻

於舍已而芸人乎邑侯然其說陳諸當路僉可之
選相地籌費筮日鳩衆復簡材幹者董厥事於是
劉景營一帶淤者排漫者捍不踰時而功告竣矣
寧直沈民暫借安枕卽請役者執此永杜泊秋大
水倏至旋復就竭田亦稱有焉蓋費儉而功倍害
除而利興觀者目爲惠政云邑父老詣予問記余
謹春秋之法惟在直書其事而稱太史公記者亦
曰其事核輒竊取斯義次述其概以垂範後人冀
續邑乘者有所採若曰效世俗侈爲諛談以淆實
則吾豈敢侯姓劉氏諱世光字晦卿別號豐津直

隸淮安人已卯順天鄉進士

創建文昌閣碑記

李芳春

知縣歲
嶺衛人

今夫風俗之淳人文之秀禮樂政教之隆豈非文
治使然哉易曰觀乎天文以察時變觀乎人文以
化成天下文治所昭上下應之顯不重歟自古一
代之興大而營立宮廟小而建置郡邑莫不取法
斗極臨制八方按天官書斗魁戴匡六星曰文昌
宮貴人之象魁下六星兩兩相比名曰三能三能
色齊則君臣一德故郡縣之設其文昌一閣往往
與隍廟並建由來舊矣考沈邱設治於弘治十三年

年草創之餘建置悉從簡畧今

聖天子文明之治而沈邑自辛卯以後抱璞而售者冠
蓋相望號爲人文淵藪其建置臺閣有助於文藝
者豈獨後於他邑會城南勝地一區舊有臺榭池
沼爲沈人游覽之所數年以來寢興廢廢矣希人
士合貲購求建文昌高閣予來實董厥成經始於
順治十五年三月戊戌落成於八月丙寅凡三楹
架板繪像於其上歲時俎豆遂爲一邑名勝諸薦
紳先生及縫掖輩屬予爲記予曰文昌閣之在沈
邱前此未有也二百餘年之曠典待今日而舉豈

偶然哉豈偶然哉

予不佞

不欲侈大其說以贊焉

沈邱文教而文教在是矣慕義輸貸者生員李出
督工告成者生員朱國才劉祖述普槐其量力
金諸神衿例得勒之碑陰

文昌閣記

李

辰

邑貢生

沈之勝地漠過東南文昌閣在焉其地先爲秦氏
園亭折而入于劉加以闢土啟林之力有池有臺
有花草松篁之勝兵火之餘僅存瓦礫主人欲賤
值求售二三同人有感于古之名園如李倫之梓
畢逸少之蘭亭揮主之晚香中立之綠野獨非名

賢遺跡乎不再傳輒爲易主此何足吝者也且幸
諸臣以遨遊湖山取其敗後人指西湖爲元勳
不具論唐裴晉公相業高史冊及其暮年猶倦
于午橋莊松雲嶺未就軟碧池繡魚尾未長成爲
恨其大小不同其溺人心志則一也因謀之同志
及薨然戒師合貲購求訪書院遺意春結夏誦于
其間庶幾長存此勝地乎地主劉詒生聞而善之
遂減價以歸諸公家而三韓李公煥章適來治
沈念文昌之在沈邑舊無專祠旣有臺高揭建
祠于其上肖像而俎豆焉可乎僂巍然夏臘甚高

委之香火此文民開之所由始也其書院規模
先講堂次號舍次庖厨繚以垣墉闕焉未備今有
賢父母戴公康侯主持其上或薦紳先生網維其
間次第拮据用期成效俾諸同人講誦和聞文章
事業皆從此中穎脫而出異日宦成名立記得城
南赴館此真其地也附闕者原有地一頃二十畝
乃頃邑諸庠生王一鰭邑諸庠生盧光典二家布
施之地其差糗俱分認于闕縣紳衿代納自合費
承買以及建閣修橋諸君子備極勞費均不容民
譊然帥高足弟子通祥馬余爲文因並紀以告將

銀六十九兩僧人出銀四十兩

施銀施差姓名開列于後

鄉宦 劉祖向施銀一兩六錢施差五畝 李鼎

進士 孫馥施差五畝 王養晦施差五畝

貢生 劉璞施銀四兩 劉珙施差四畝 崔瑞鳳

差 施差一畝 李闊基施銀五錢 盧承庠施

舉人 朱國才施銀一兩 賈廷珍施差一畝

生員 普一沈捐銀三兩 普一湜捐銀三兩

孫世業捐銀一兩七錢 張崑星捐銀四兩

三錢 周松捐銀十二兩 季柔德捐銀四兩

兩 李宗璿捐銀二兩 劉虎臣捐銀二兩

五錢 施差一畝 劉虎變捐銀二兩五錢

普一派捐銀二兩 盧加慶捐銀二兩 程

儒捐銀四兩施差一畝 李璧輝捐銀一

兩六錢 李榮輝捐銀一兩七錢 孫麟兆

捐銀一兩 唐時純捐銀三兩八錢 孫韻

捐銀一兩施差一畝 張嘉胤捐銀一兩五

錢 張易捐銀八錢 盧承璽捐銀一兩七

錢 卡之琰捐銀一兩 唐德俊捐銀六錢

唐時煥捐銀六錢 劉祖述施差二畝 劉

祖謀施差二畝 呂守官施差一畝 吳規

奇施差三畝 唐重任施差一畝 唐遠任

施差一畝 普一漸施差一畝 普霖捐銀

一兩 李裕基捐銀二兩施差一畝 普挺

施差一畝 普樞施差一畝 程樞施差一

畝 劉大有施差一畝五分 張瑞施差一畝

張幟施差一畝五分 郭顯施差一畝五分

唐時儒施差一畝 韓漢時施差一畝 李

昇芳施差一畝 李濬施差一畝 顧念梅

施差一畝 史簡施差一畝 唐時泰施差

一畝 趙瑗施差一畝 王永清施差一畝

張克振施差一畝 趙玠施差一畝 顧天

錫施差一畝 史直施差一畝 唐太平

施差一畝

滿侯擢行將歸虞矣余業慶廟貌之重光悵攀
之無術而又甚與來者之克繼我夫子也故不辭
但鄙而詳爲之記

廣惠堂碑記

河東王士俊黔南人
總督

古人一夫不獲引爲已耻凡以斯民爲天子之民
受之於天我旣爲天子牧養此民是卽民之父母
必視民之饑若已饑視民之寒若已寒一有呼號
望救者介乎其側若已身之負痛必去其苦而後
卽安斯無愧焉我

皇上仁覆天下澤被萬類海隅蒼生已莫不熙熙皞皞

鼓歌太平而猶

念疲癯殘疾鰥寡孤獨之輩或有向隅者

特於京師創立普濟堂令有司廣爲牧養俾勿失所

皇上如天之仁誠不忍若輩獨遺覆載之外也直省州

縣向有養濟院牧令拘於成例自定額而外卽漠

然不相閔切余自庶常出守許昌調任祥符首先

建堂牧養竢獨此以匆匆代去未竟厥緒壬子奉

命總制河東因令兩省州縣皆仿

京師普濟堂之制建立堂院收養疲癯殘疾鰥寡孤

獨無告之民而育嬰一事亦連類並舉一時兩省

士民以及閨閣婦女聞風慕義捐粟捐金及膏腴
地土雲集響應踴躍恐後堂不一制亦不一名而
沈邱縣則以廣惠名焉堂凡二十有六間周圍甃
以磚墻大門之前另力柵門一座榜曰廣惠堂僱
工一人端司堂中啟閉並代爲疾病者料理蕩藥
炊爨凡男婦每名日給米一升月給錢百文冬夏
以時給予衣服被席堂中藥餌及棺木咸備嗚呼
沈邱之無告窮民庶幾其無失所已乎經始於甲
寅之六月落成於九月凡爲費四百緡有奇共計
前後官紳商民婦女捐銀七百四十餘兩捐穀二

百石捐地及價買地共六百一十九畝有零除建堂置地用過銀兩尙餘三百金付當商生息以爲堂民瞻養之費庶幾永久者攷沈邱古爲沈子國文王第十一子蚠季受封於此自設郡縣以來改置不一至前明弘治十七年始創陳穎項邊隅之地以成邑編戶十三里僅彈丸耳非稱殷富肥美之土俗也今邑中士民及巾幗女流一聞建堂之舉卽爭割腴產捐金捐粟通計其值不下二千餘金抑何盛也豈沈邱今日士民之心有異於昔日之心乎蓋秉燹好德之良人人有之特上之無以

倡之耳明乎此而凡爲有司者亦可知所從事矣
是役也首先倡捐經理其事者署沈邱縣知縣諸
齊賢直隸盧龍籍浙江餘姚人董其役者典史何
大義順天大興人例德備書凡樂輸銀穀照買地
畝數口俱附載碑陰如左堂成諸令來請記書此
畀之伴勒諸石後之官斯土者尙其留意於斯乎
時在雍正十三年歲次乙卯四月之下澣

除官捐外紳衿士商捐銀姓名附列于後

錢仁劉世貴劉中柱張大成張大升張大豐李永
盛張瑞雲吳起昌劉勞孫遜敏張洪印卜彥儒張
奇峯程杓劉中車劉三謙劉國林郭日峙王士登
李思謙李大壯馬延縉張維机張元會孫松趙德

元海現琳孫捷錢洽劉世德張尋任維續孫時敏
李撫謙孫光被黃欽趙文朴李儒基馬之駙劉文
進鈕生敬王希聖陳善孝解可法李靜深唐樸王
深李蒲李鐸郭大明馬王猷劉勲李溥趙雄邑盧
慤唐梅王法會逮盧甲現劉光第劉成曉李鳳鳴
唐朴張俊秀黃道生李德普唐繼周徐克恭于
唐橘李伯言趙蓋穀林中桂黃煥坤劉應麒張大
受畢廷瑞楊文英龐明璞溫三義趙焜牛昱光張
宏增張奇瑞張曰建錢如洪郭德英郭文朴普知
董鼎盧茂松郭子建王士友續百福寶永極徐必
達梁國珍馮媚閨蓋臣尹時貴趙弼臣李國良張
宏義劉應麟葉睿招高珍鄭三元吳承恩程仝茂
作林閨復初郭
本敏王增益
外劉中岳妻王氏劉敏妻李氏程都妻張氏
劉劬妻劉氏劉世聞妻王氏劉堯典妻張氏

苦雨篇

劉世光

知縣淮安

溪頭黑雲密若屯雨師風伯爭翻翻其濛不辨遠

延邑垂龍白晝封海門此時馮夷恣驕蹇波濤光
怪相吐吞滂沱不止春徂夏滿城烟火失朝昏窮
禮殫啄氣象惡使我爲民父母愁心魂匪獨民之
父母愁心魂閭閻憔悴酸慘更難言中州蓋藏原
寡積布粟力役征頻繁常年五月盡收割今年懸
釜無饔飧來年離離已香野莖折穗朽力難援破
筐采掇不得乾老幼啼饑何能存綠蕨蒼木翳日
月豈有容光照覆盆上帝尊居隔人世寧無尺牘
排天閭道里九萬險且艱厲神獰鬼聲啼泣顧管
鳳凰爲車白鶴之爲御直造甘泉太乙之宮垣長

踦重華拜軒轅披丹控赤拯黎元假臣斗開利干
將巡行水國取民寃咸池東畔飲子馬佇看扶桑
之隅升朝敬

仲夏霖雨如澍始自二三月迄今半載河水復
溢入望皆湖二麥既登而不得入口秋種難蓄
民大失望父老相傳以爲百年罕見乘舸視之
慘焉在日每夜聞雨聲點點滴滴必俯枕而嘆
以此民之淚也白惠拙劣計無所出惟昕夕所
禱中報災傷仰俟鴻賑德意卽以馮婦取與亦
所不計聊述短
章用抒懷抱

八景

香臺夕照

劉世光

知人安

高臺層漢出紺宇紫烟連晚照迷方覺迴光
圓虛能通牖白明豈借燈然望處諸天近空
外傳

孤柳寒鴉

古樹何季柳烏棲欲暮時
枝月白寒侵早陽烏影度遲
性慈元自異何論羽
毛奇

東郊牧唱

驅牛到東郊郊草已菲菲但願青芻長何愁黃犢肥
橫風懷短笛過翫只單云唱罷昇平調歸猶書夕暉

南浦魚歌

漁人輕試浪日日棹風波生事一葦小清光萬頃
多網魚頻博酒卧月尚披簑南浦煙波綠滄海無

南歌

南歌

南歌

南歌

平曠色遙看重林光入望輕還思陶靖節風韻有
餘清

鞠道垂楊

馳道一何長垂楊夾道傍絲勻千樹綠花散一堤
香蹊蹊深藏影閃閃暗調簧子虛才冠古於此賦
長楊

半潭新月

一鈎初月上潭水碧千尋影落看沉玉光浮復燿
金輪廓空兔走屈怪有龍吟對此雙清景瀟然堪
賞心

七里迴澗

中流河砥石平渚有源泉
潨轉疑潮上淪漪覺水
圓不緣青嶂合自是緣波旋
細縠疑風起迴文勝

錦川

彙題八景

吳淑通

生員邑人

雲霞夕照映香臺孤柳藏鴉傍路栽
牧唱東郊堪入耳漁歌南浦更舒懷
城連烟樹迷青草道接垂楊蔭綠苔
砥柱狂瀾迴旣倒寒潭霜月共徘徊

香臺夕照

諸齊賢

平縣人

滿目平蕪裡昂然見古臺
香從雲外起風自海邊

來彩映歸飛鳥霞明露遠槐須臾天宇淨歷歷數
三台

孤柳寒鴉

獨樹何寥落蕭蕭古道旁行人尋遠渡歸鳥帶斜
陽滄溟鯢魚化梧桐鳳鳥翔美茲清寂境亦得荷
清光

東郊牧唱

東作將興候田家芻牧連雨絲楊柳岸風片杏花
天短笛難成調高歌不協絃尔牛欣濕濕占嘉慶
豐年

南浦漁歌

河清無激漚海晏不揚波
戴笠吹橫笛披蓑協遠歌
寒來欣日暖春至快風和
擊壤同斯意滄浪奚足多

醒城烟柳

欲徵富庶象列樹表郵傳
最喜官街柳輕籠民舍
烟淡濃隨日轉披拂任風旋
想像皇都景恬熙萬里連

鞠道書楊

猗猗遮官道垂楊最可娛
陰翳停此撥條遠繫

珂峴院調笙簫的朝廳鷓鴣至今傳已乘猶表謝
家居

半潭新月

徹底寒潭水一鉤景最新金墓未見足玉兔尙藏
身雲漢垂斜玦波紋浴碎銀會心何必遠清寂有
龍聽

七里迴瀾

擊節湍瀾靜漩波七里奇迴紋浮錦繡轉穀漾淪
洲沙沒同呼吸原流自合離中流雖有柱安穩不

與書

名堂夕照

魯之壘 教諭

層臺臨斷岸夕照鑑芳菲衆木殊斜影紅雲總落
暝收乘殘日返鳥帶晚霞歸盡此登臨樂幾情雲
外飛

孤柳懸秋

孤柳存喬木來鳴向晚樓飛飛來遠谷啞啞喚高
枝繞月雖難穩棲巢自不悽風興如有願勝以聽
鳴雞

東郊牧唱

東郊芻牧集牧子送聲遙短笛隨人和有腔任曲

調掛書成逸韻扣角已高標唱罷連簑臥夢旗

外飄

南浦漁歌

漁歌南浦柳響徹北城隍互答非流水知音亦予
期并第臨澤畔唱晚想彭蠡此邑多絃誦持來和
自宜

醒城烟柳

西郊故壘在夾柳淡烟浮靄靄村初暗霏霏路轉
綠
清
新人散幾紫暮山秋折去招靈爽城今醒
未休

登道吾山

悠悠鞠長道鬱鬱列楊傾葉密日光暗條低鶯管
清風行處度烟就望中生勿叱王尊馭去來自

題

寄靈雲片

淙淙倚岸潏初月映潭新弦影回流亂波紋半璧
直斜光躍若藻淡色浴縈蘋對北清幽亭一消夏

題

十里迴欄

驚波迴渚瀕周轉十里寒帆從前岸遙天去雲

攢卜築歌深窈行吟喜曲盤欲尋原本處好向

中看

刊刻江南江寧府江寧縣江自浚

韓文裕

韓鳴鳳

許世德

許佳璽

袁大富

江自元

查辦一切事務

許世魁

禮承嚴思魁

禮書邵思昌

工承普 舉

張極

三坪縣志終

氏攸武南武寧武寧縣志自刻

中晉

贊小榮煥彩霞谷似喜曲盤浴舞鳳本武秋回



